


義烏縣志

二之四

二



漢書門			
九	一〇	八	九
冊	架	函	號
一〇	二	四	九

內閣文庫		
九	〇	八
冊	架	函
二	一	三

內閣文庫		
番號	漢	9089
冊數	10	(2)
函號	292	78



義烏縣志卷之二

巖壑志

山水



本地清淑之氣融結而為山川嵩嶽尼丘洽陽滑渙
不飲山之烏自建邑來英賢挺出指其姓字心形俱
秀流所萃垂諸紀詠可考鏡也茲舉其大者遞

及峯巖非石且以展禋祀稽險塞資漑殖表名勝焉

山 峯 嶺 巖 洞 坑 石

象山

縣東三里

淺草文庫

鷄鳴山 縣東五里高五十丈昔有人聞金鷄鳴其上
羣鷄皆應故名前瞰縣郭俯眺大溪衆山縈
迴上有小亭九月九日士大夫
畢會于此又名登高臺

魏家山 縣東五里

石門山 縣東九里連山中斷兩山對峙如門宋陳炳記見藝文

南山 縣東十五里蟠折榮迴廣袤數里上有平土可耕人多居之鮎溪之水出焉

石樓山 縣東二十五里亦名台巖山高五十丈周十
三里四面孤絕兩山對峙遠望若浮圖狀山
東西有巖深袤數丈東崖之上有巖者四面巖之東
由石逕行至第三級有天然石闌護其外少西又有
數穴狀若房闌一巖層級高下類重樓複閣羣
巖環之若屏幄然○舊志別載白巖省從此

武巖山 縣東三十五里高數百丈周圍十餘里狀如
紗帽其下有八景左滴水巖四時流注不絕

聽之若鼓韻

清巖山 縣南十里高五十丈有象鼻岡有邑人王祚
衣冠墓 王祚詩幽僻青巖中結屋開荒畦

羣山 列左右雙澗鳴東西蕭然守岑寂
發瑞蓬蒿齊林泉幸清勝吾將暫冥棲

齊山 在青巖山中高三十丈下有雙澗南曰前溪北曰梅溪

天公山 縣南二十里

雲黃山 縣南二十五里一名松山高一百四十丈周
旋其上狀如車蓋故名有峭壁高百丈廣三十五丈
下臨畫溪五色相映有穿身巖因大士穿石壁而出
名有餒虎巖因大士以齋餘飯餒虎名十道志云山
多玄熊赤豹大士化之後不復出又有飯石乃餒虎
餘飯所化青白而紫又有七佛峯行道塔旋獅池諸
蹟 邑人黃潛詩束髮弄文史掛席去瀛壖邂逅乖

良會積落迨茲年息景念生理洗心賓象筵恭惟上
皇代異人秘靈詮宗師既逾海茲山亦棲賢金棺滅
雙樹寶篋藏紅蓮仰窺攝誘切信知願力堅內媿實
菲薄冥通未精專寒裳碧峯雨焚香石林煙綵翠何
紛糾苔澗窅洞沿尋幽非外適蘊真冀重宣二邊
離有無五濁空腥膻豈伊俄頃用應謝平生緣

石牛山 縣南二十五里雲黃山北石
狀如牛故名上有石牛祠

蜀山 縣南四十里高百丈下臨蜀壑塘相傳秦末有
三山飛空而過一山墮此蜀人來言蜀中所失

之山即此故名山多靈草上
有僊壇日僊壇洞日陽春洞

葛仙山 縣南五十里高一百五十丈有煉丹巖相傳
葛僊翁煉丹於此又有雪峯嶺高八百丈

入保山 縣南五十里舊不載嘉靖三十七年間永康
處州礦徒訛指有礦糾數千人証聚開坑知

縣趙大河率近山居民陳大成等平之烏
民因以武勇稱而兵事之累亦自此始

屏林山 縣南五十里平地有山巍然突起高五十丈
故老相傳有鳳棲其上故名宋王氏立亭其

上時聚會亭廢有王德生
重建忠文公王禕有記

大寒山 縣南六十里山頂有池四時
不竭春夏溢山為瀑布泉

來山 縣南七十里高二百五十丈
羣山自遠來至此而止故名

三山 東山之東北高四十丈一山
三峯巍然聳拔上有三山廟

香山 縣西二十五里其地多楓香木故名上有香爐
峯前有龍井過旱澇之既應又有夫人峯以梁

侍郎樓偃妻葬此故名有寺見寺觀寺有禮
拜石○舊志別號夫人峯禮拜石者從此

五雲山 縣西四十里廣莫知其數唐時有五色雲
帳其峯故名山曰橋頭村前有繫馬石上有

手捻痕相傳嘗有仙人繫馬於此居民至今節序祀
之又上有智慈巖下有邑人宋徐倚墓五雲溪之源

出焉○徐儂歌雲山窈兮風微山徑綠兮雲依蘭馨
兮晨晞松樛兮夕暉有禽逍遙其間兮不去飛俛啄
兮藪薇昂吟兮綠筠枝春與颺騰兮秋鶯與啼希焉
鵲兮志亦幾絕樊弋兮隨所棲空碧臨臨兮山四圍
泉咽咽兮流以時寧易地兮頻若箕與世相忘兮
人期山雖高兮步坦夷雲雖深兮光陸離胸洞洞兮
陶然以怡新天命兮安厥宜
繫馬石舊志作縣西之十里
黃塢山 縣北七里黃礫山之
幹迤邐至縣治者
黃礫山 縣北二十里本名黃樞尖唐初置稠州於此
山之下及今縣治山脈自北而南其支分而
出者亦皆吉壤又北五里距馬鞍山不二里洪堂山
右有馬踏石在延壽寺後何野村頑石橫道上有馬
蹄跡十餘大於常馬石色青綠與他石異又有手痕
甚鉅五指宛然相傳昔有居民夜聞人馬聲甚衆逮
曉見此後淨居寺僧易
名黃礫○樞府志作蘆

洪堂山

縣北二十三里在黃礫山北麓馬踏石南樞
尖楊公馬鞍諸山環列于後右闕廣輪綢香

諸巖在其前左顧四
正雲黃四周如畫

馬鞍山

縣北二十五里高四十丈在馬踏石之東形
如馬鞍故名絕頂有手掌痕詳上黃礫山

稠山

縣北二十五里府志作稠巖高四十五丈峯巒
稠疊故名稍南曰東山兩大石當山之半度石

峽有石牕及有小洞緣山而上有危石臨澗水屹立
其平處俗呼師姑平頂有德勝巖下視平野歷歷如
指諸掌是為上巖北有土巖洞在山腰有石屋中為
室廣數丈深十數丈如窟窟咸康中丹陽令葛洪隱
此嘉靖中邑人朱鴻印西稍前築廳舍三間為子
弟講肄所面植修竹萬曆中知縣俞士章為邑
人致政縣尹陳守亮築樓三楹時往游眺相與論文
或信宿而返其陽為下巖上有胡公廟公仕宋有惠
於民○黃潛詩曉色微茫尚帶星修溪犖确斷人行
獨支瘦竹身猶健高入層雲地忽平落月正當山缺

處細泉頻作雨來聲上方燈火清林曲隱隱疎鐘一再鳴○喻良能詩奔走塵埃老未休每思上下兩巖欄關心簿領三書考回首家山四換秋枝腹自憐鷓鴣少江湖誰計屬鳧留又遮西日長安去慚愧平生馬少游○舊志德勝巖上

巖洞別載從府志省入

青潭山 縣北四十五里下有青潭其最高處曰春岡雪頂有鷹嘴巖石如鳥喙突出旁有戰巖相傳方臘寇甘民多避此牆址猶存山側有天聖潭形如大甕宋天聖間祈禱靈驗因名○天聖潭并入

鷄棲山 縣北四十五里一名金峯山峯上有石崖廣十餘步北有降魔峯西北有安貴嶺

龍祈山 縣北四十八里高六丈山之西有水名深溪自縣北流入浦江旱昔居民祈禱故名

潛厓山 縣北五十里麓有象鼻岡椒有雙杉亭邑人李鶴鳴詩獨往神逾靜冥搜路不迷青藤蛇上樹蒼石虎吞溪復磴莓苔滑深林絡緯啼泉鳴珠珮迴嶂簇畫屏齊半嶺思清嘯懸巖想冥棲嵐光

空翠濕天勢蔚藍低藥辨千年種芝探五色泥恍如升紫府真似躡丹梯吏隱汚金馬仙魔陋碧鷄玉符原有訣寶籙久應題永念凌紅霧終希馭白霓月華還可掇雲構定峯西

鐵巖山 縣東南二十里俗名郭公山極為峻峭攀援以登至山半有水簾下垂數十丈如懸疋練

由水簾之側躡石磴以躋可達絕頂有曠土數百畝有三塢一潭舊有郭公寺○舊志作縣東

龍門山 縣東南二十五里南山最高處自山口循澗水磬折而行過師股潭石井坑登樓梯巖有

平岡橫亘其上為龍門旁皆平壤民多耕桑于其間由其東攀緣而上絕頂有兩峯對峙名雙玉峯俗

呼雙尖由其南下麓嶺俯矚深谷是為平山有澗水經其中西流入於畫溪潭側石上有兩股痕隱然

天成相傳傳大士濯足者舊志作縣東十五里與樓梯巖并入

畫塢山 縣東南二十五里畫溪之水經焉其上中流為斗潭其下對岸為石壁

箭山 縣東北四十里高三十丈青潭山之東橫亘山源之口山多竹箭故名

金麟山 縣東北六十里舊傳金麟見於此故名

茗平山 縣東北七十里俗傳法輪禪師茶園

銅山 縣西南三十里頂有銅巖深數丈廣如之若房闔然相傳古有銅牛見衆逐之投山前塘中皆

謂銅精山由此名

金山 縣西南四十五里屹立江流中

東山 縣西北二十五里崇巖峭壁竹木森蔚綠澗盤折至山半二石間有釋氏抗雲精舍址

黃山 縣西北四十五里下有斷坑相傳黃巢入寇道壯士鑿石為之宋元豐中知縣鄭安平名曰黃

山洞洞深數十丈巖石如劈下有深穴俯視使人森然中多伏翼有翼大盈尺者山左有螺井泉根溪之

水出焉○舊志湖作縣西今并入

峯

烏櫛峯 縣東四十五里初名烏巖又一在縣南二十五里峯巒秀異岡阜紆迴名曰盤谷○舊志

下有雙尖峯省入龍門山七佛峯傳大士行道七佛相隨於此并入雲黃山

雙峯 縣南四十里二峯竝拔天表又名筆架峯旁奇石高二丈許上有棊枰相傳為仙人奕棊處峯

趾有澗清駛日梅溪

香爐峯 香山上邑人喻良能詩燕雀桑麻五畝勻香爐峯下磬湖濱青衫不碍兩居士白髮真

成六老人子美浣花元不惡淵明栗里總宜貧作詩飲酒真吾事回首江湖瀨問津

嶺

八嶺 縣南十三里高七十丈
南經石壁坑入東陽界

毛皮嶺 縣南十五里高一百
五十丈東入龍門山

青口嶺 縣南三十五里高
十丈上通東陽界

雪峯嶺 縣南五十里
高入百丈

掛紙嶺 縣南五十五里
高九百五十丈

查嶺 縣南九十
里高百丈

步虛嶺 縣北界浦江至峻知縣熊人霖攝浦因亭焉
熊人霖詩翠壁丹梯絕境懸孤亭面面合

蒼烟舉帷却憶無懷氏策杖虛疑小有天候吏燎吹
巖下月山家飯供澗中泉到來兩地絃歌滿猶有催

科愧俸錢○舊志下
有安貴嶺見鷄棲山

巖

月巖 縣南二里下臨大溪其形如月 喻良能詩何
年王斧巧修成半似明生半魄生易使飛鳥來

匝縹 難將老蚌較虧盈桂枝不逐秋風老水影長
隨夜氣清曾是廣寒宮裏客舊游重訪更含情

青巖 青巖山之巖也王禕讀書其中有青巖山居記
王禕記青巖去義烏縣南十里其山由東陽

兩峴峯西來三十里至於龍門勢益穹窿由龍門而
西又二十里是為青巖至是山支為二南支則重巒

疊嶂北支則崇嶺峻嶠皆迤邐西行方二支之分也
有山從中出峯阜圓粹纍纍若聯珠日齊山而其勢

遂卑南北兩山勢相環護左昂右伏當其前如龍虎
齊山儼然而中居齊山之陽坦為平壤廣袤可一里

民居廬雜處其間者皆傅氏其外繞以雙澗澗源出
于二支之所分夾齊山而出至是乃合而為一行二

三里與羣水匯為大陂日新塘而塘適當西山昂伏
之會塘外復有一小山巋然特起若過水之衝者大

抵雙澗之外兩山之間陵谷幽邃川原夷曠而草樹甚繁茂雅宜為隱者之居初傅氏有以才學顯聞仕為侯官主簿曰光龍者與子祖母為同產故傅氏子外家也至正乙未之春予始至焉愛其雙澗內屬兩山外拱清淑之氣若有所鍾乃即傅氏居方度平壤之中買隙地數畝結廬居之為屋僅三數楹開屋外植以竹木右偏別為小軒皮書其內讀書之餘出緣澗而行南澗水稍深昌蒲生石上與異草青翠相錯絕可愛北澗水淺稍雨不激石而聲潺湲輒不休有老梅數株偃蹇橫岸側出雙澗所合直兩山之間而西望金華夫容峯近在目睫可攬也予於是居而樂之若將終身焉或謂予曰仕與隱其趨不同也古之君子未嘗不欲仕特惡不由其道耳吾子學先王之

道且將為世用胡為而遽言隱耶予告之曰仕隱二趣吾無固必也十年以來吾南走越北走燕而惟利祿之是于其勞心苦思殆亦甚矣是豈志於隱者乎今天下用兵南北離亂吾之所學非世所宜用其將何求以為仕籍使世終不吾用吾其可以枉道而徇

夫則吾終老於斯益研窮六藝百家而考求聖賢之故然後託諸言語著成一家之書藏之名山以俟後世何不可哉君子之行止視時之可否以為道之誦伸是故得其時則行守窮山密林而長往不返者非也不得其時則止汲汲於于世取寵勇功智名之徒尚入而不知出者亦非也一山之隈一水之涯特吾奇意於斯焉耳吾之行止安敢固必乎哉或者無以詰因疏其言揭諸壁間為青巖山居記 喻良能詩

寒食江村路東風夜渡航一篙春水碧兩岸落花香飛絮匆匆遠青山故故長茲游自奇絕底用更尋芳

○此下舊志載穿身餒虎智忍三巖又南有煉丹巖今改附山舊志智忍巖作縣西三十五里

覆釜巖 縣西六十里形如覆釜巖頂四隅孤絕石芒峭發行人患其險鑿穴步躡扳緣而上非勇猛者不能往上有平壤三十餘畝土美可耕中有廢地甚廣山邃地迥竹柏幽茂

睡魔巖 縣東北三十里酥溪上唐收護禪師常於巖上振錫而坐晨夕不寐故名

洞

竺陽洞

一名祝公巖縉雲鄉武巖山之北昔有僧書

竺陽洞三字後為風雨所落序班虞國奇築樓於此為肄講所知縣周士英記出縣郭之東可三十五里其地蓋有祝公巖云或曰祝公古隱丈人之流莫詳其出處故弗著其著者在巖之勝然以其遠於市湫也游輅罕有至者即至人弗能有也亦有之則自華溪虞子始蓋虞子之言曰往先君侍御按蜀疏入忤執政坐落職歸養巖中將為考室弗克竟奇勉承先君命始庀基構薄崖臨原以厭來觀之士夫是所以志也一日謁司牧氏語之故且邀之觀司牧氏曰余之柴生乎守久矣得無為採芝叟柳榆耶然愿因子以徼山靈之不吾誚也會大參虞君重使使趣之乃駕肩輿驅而前循武巖山之北巉巖紆磴足相齧者五六里而始抵巖遂自麓躡而登之別蘚鏟粵道甚飭治逶迤上行數百武及山腹四望夷曠而洞在焉昔有僧書竺陽洞三字而去未幾為風雨所

落故人猶以竺陽呼之至今也洞石爛如赭霞峰峒豁而嵌空若室者三中最寬鑿大土像前虛半舍席容右穿得石竇尤奇聳層樓危堞刻峭若斲轉而左又有大洞磐石度廣三丈可列坐數百人山石圻穿下有兩穴相通俯而瞰其石乃空懸尋丈許附麗僅半之余為竦然已乃却引睹前澗布橋以渡水潺湲流其下旁有小洞十餘怪石突出似機似日似鼻似口似耳似斧劈者似劍鏑者似虬龍鱗起若鬻人趾者虞君又為余指上有大洞狀若石樓兩旁若梯嵌空玲瓏由石罅環行盤跚而上數百尺扣其中填填作鼓聲聲牧豎時馮而游焉復巡途下低而憩息於虞子所卜築者中有樓三楹巋然立於叢薄翳篠之間曰憑虛右建文昌示崇學也左置一室曰望白示不忘本也洞上又蕩一小洞像漢壽亭侯鎮之示崇忠烈也於是相與凭闌遠矚其原隰鱗比華溪滌迴無乏於濯漑其被野之毛足以食民也流光馳景却顧於斷蹊絕壑之下雲雨之所出入也其遙岑隱見膚寸數百里鷄鳴鹿皮石兀諸峯列峙如屏障其

英俊之域彼冕所興駱宗諸君子之殘碑故址猶有
 存者司牧氏既得從虞君游俛仰山原之勝乃於是
 灑然而樂也曰佳哉巖矣豈非天造地設以遺其人
 者邪吾聞它山有以一洞擅勝者矣而若者臚列棊
 置連十餘洞以見奇洞故多患窪濕而若者則地燥
 而爽塏又或患遠巘絕嶠鳥道不可即而若者踣蹶
 畦苑蔥青峭蒨彷彿為欄檻間物不啻韋之居而庚
 之樓也夫虞君方退隱東郭緬懷林藪而從孫司儀
 子又萃止良朋講業聚樂其中昔人所稱丘壑夔龍
 衣冠巢許者蓋謂是乎遂相與倚楹即席坐嘯徘徊
 至日甫息虞淵而別參政虞君名德燧從孫司儀名
 國奇司牧氏為誰毘陵周土英元孺父也 知縣熊
 人霖詩鐘鼎名卿氏緡雲碧巖翠竹幾村分高年不
 異尊盧俗髦士能矜越絕文百道雲烟初地起半山
 鏡鼓四天聞到來揖向明
 神祝雨我公田答聖君

光明洞 縣南三十五里在光明溪東高山之巔 邑
 人金孔賢詩久知巖谷可投策日步山岑興

更濃石徑雨餘青蘚滑洞門晝靜白雲封春深野鳥
 偏多語地僻山花自作叢無限幽懷何處著浪隨鳴

鹿過 林東

坑

楓坑 縣南七十里坑深二
 十里南入永康界

善坑 縣北五十里坑深
 五里北入諸暨界

石

數珠石 雲黃山即傅大士倭虎餘飯所化者有陶氏
 居山下嘗資給大士遂視之曰他日以飯石
 琢數珠贍汝胄裔自茲惟一氏家能之
 女已嫁則不能他人倣效石即穿裂

石碧 縣南三十里 邑人李鶴鳴詩碧石日初上春
 山風乍晴偶隨黃犢出開傍綠溪行幽鳥淡無

語落花如有聲回看
飛瀑下樹杪白雲生

羊印石 來山側石上有羊跡十餘如印泥
中深半寸許不類刻號羊印石

釣魚巖石 距西江橋二里面水削成 知縣熊人霖
臨董字勒石詩大石巖巖氣象尊嵌空壁

立捍津門苔痕積鐵平如掌松底垂蘿翠可捫徙宅
魚龍沈不吼翻枝猿鳥舞還蹲春潮進艇時舒嘯渭

水桐江

共討論

水

江 溪 湖 塘 池 灘 潭 井 泉

東江 縣東三里漢史所謂烏傷溪後更名義烏溪皆
因縣為名源出東陽大盆山經東陽城北西流

至此東距二十里而廿三里溪入焉有魏家山乃土
阜阨於其旁水為之折而稍南又二里鮎溪入焉過

龍潭循山西行至縣西南為九里江又西與洋灘江
會於合港流入金華界至府城下又與武義永康之

會溪

洋灘江 縣南十五里即畫溪羣山縈連草木如畫故
名源出東陽甘溪安文經東陽城南西流至

此為洋灘江又西與義
烏縣溪合港入雙溪

西江 縣西三里蓋東江襟縣正南繞而西控於蟠山
有繡湖之水來會左右迴合崇禎己卯知縣熊

人霖捐造西江橋是
秋魁鄉榜者三人

九里江 縣西南
九里

溪

派溪 縣東五里有流澗曰派溪宋趙氏子孫世居其
上魏懿獻王墓在溪側西山之原名留春臺溪

山環繞風氣盤鬱侍郎龔永吉名其地為十景曰楊
墩望日魏駕思雲放生采蔬寺日栽松福地種德孝

墓進賢東江春泛北浦曉行青塘漁唱白塢
樵調名賢多賦詩詠其事見古志舊志無

鏡溪 縣東二十里以形似名本府志

廿三里溪 縣東其西至縣郭北至酥溪南至東陽皆二十三里故名源出蝦陂西流至石基渡

入大

華溪 武巖山下源出東陽西流入廿三里溪

梅溪 源出五雲山至夏堰地勢盤旋林木陰翳後倚兩刹前列羣峯景為最勝有樓氏世居其間宋

賢竹山積翠水閣涵青花園秀石道院奇松伏龍寶刹繫馬僊巖昔有好事者繪圖以傳見古志 舊志

云源出青巖山中溪多巨石舊名石溪侯官主簿傅光龍種梅居溪上改今名西流四里

匯于大陂日新塘入合港會于雙溪

畫溪 縣南二十餘里雲黃山下經畫塢山五色相映故名○府志作縣南十五里自東陽之西南鄉

至斗潭合於東陽西至洋灘流入金華

光明溪 縣南三十五里上接丹溪下流入吳溪源出祝坑

吳溪 縣南三十里源出查嶺山至楓坑口西南流過王村至丹溪而與婆塘坑之水合因名小雙溪

又西北流為吳溪而峴溪自雲黃山來合至黃蒲潭同入大溪

峴溪 縣南三十里源出雲黃山至黃蒲潭入大江

丹溪 縣南四十里舊名赤岸徐僑詩丹溪羣山俱有情顛昂環列如逢迎東出雙秀高衝天惟先

兩峯當我前二水南來炯相顧合流于西疑欲住成此溪山一段青中有一園十畝平著我翛然數間屋

遶屋俱栽竹與菊杖杖行奇景物妍開卷坐對聖賢讀嗟予藐焉天地間居然分得此清間母餒浩然有

以老也應不負爾溪山

洪巡溪 縣北二十里自葛辭橋北流至浦江新界入諸暨豐江

演溪 縣北二十里北流至浦江新界並入諸暨之豐江本府志

深溪 縣北四十里源出龍祈山西北流至浦江新界入諸暨豐江○府志作十五里

酥溪 縣東北三十里源出清潭山至丁口與深溪合入豐江

五雲溪 縣西北二十五里源出五雲山流至梅塢口日梅溪至十八都日華亭鮑家堰至盛家渡

入大溪

雙溪 縣西北四十里源一自黃山一自覆釜巖二水合流沈氏居後沈建祠溪側源水潑迴林下蒼翠足供登眺亦以入景名日雲菴喬木烟谷曉鐘日所見耳所聞也日兩水流清雙峯聳翠川之流山之

寺也日魚橋臥淵魚躍也日雁蹟留山鳶飛也日石壁樵歌採於山也日竹湖漁唱釣於水也名賢遊賞其間給事中朱肇有記刻石沈菴中見古志舊志云至沈菴南與根溪合派總名航慈溪

根溪 縣西北六十里源出覆釜巖至沈菴南與雙溪合○府志作縣南四十里合黃山溪之水亦名小雙溪同入於大溪

湖

繡湖 縣治西有湖廣數頃羣峯環列雲霞掩映爛然若繡湖因以名宋元間好事者構亭榭植花木為遊賞之地凡二十四處歲久荒廢正統間知縣劉同縣丞劉傑皆與鄉大夫龔永吉朱肇賞宴其間取其地與昔會物因事稱者八種云驛樓晚照烟寺曉鐘花島紅雲柳洲畫舫湖亭漁市畫橋繫馬松梢落月荷蕩驚鷗名八景篇章廣和積成卷帙見古志亦日繡川舊志云舊分三管以均水東管二十戶二百

山木

三

三

三

三

三

三

三

三

四十二畝中管三十戶七百七十五畝西管二十七戶三百四十三畝今所灌幾倍於昔頻湖寺院及好事家多建亭臺因有入景大觀三年知縣徐秉哲築堤以通往來即柳洲造塔建寺而景益勝紹興十三年知縣董燿請為放生池禁採捕率民治湖灌田如舊淳熙五年縣丞吳沃更霖管為斗牐建橋其上開禧二年縣丞胡衍景定五年知縣林桂發重濬治焉洪武十一年知縣孔克源勸民濬築復湮景泰間加濬灌注採捕惟民所利弘治九年知縣鄭錫文募民濬治周圍築堤間插桃柳脩石閘以時啓閉積所濬土樹松其上因名曰鄭公壑嘉靖十二年訓導羅傅巖率諸生倩工築湖之北岸因徙畫橋為新橋二十九年知縣汪道昆復脩堤創造石橋周圍植以松柳萬曆間知縣俞士章復令沿湖居民累石築堤以防侵佔嗣後崇禎九年知縣許直捐濬修文昌石橋十三年知縣熊人霖捐濬建繡津橋

國朝康熙三十年十月知縣王廷曾捐濬學士朱濂碑記義烏有繡川湖在縣西一百五十步

舊表九里三十步舊設東西中三管稽其戶田之數以均水利其所溉凡八百九十有五畝後加疏濬之功其利愈博以畝計者至於一千五百而贏東南各有斗門驪以二渠東渠循堤折行會於南又折而東疏為三以達於田然而衆流行潢洿間挾之入湖其勢易致填闕在宋紹興甲子知縣董燿請湖為放生池嘗一濬之淳熙戊戌縣丞吳沃以春夏暴漲而淫管不能宣洩始更為牐視贏縮而司啓閉仍架石橋其上人因以吳公名之開禧丙寅縣丞胡衍景定甲子知縣林桂發復皆重濬之自後無繼之者一遇亢暘為沴水輒涸田遂不稔曲阜孔侯來為縣之三年政通人和百廢具興廼躬履湖濱愀然而歎曰無湖是無田也茲非縣令之責乎歸與僚佐謀集八鄉二十八都之民量地定徭分鄉授事各植小織以別其界域使不相淆亂嚴示期約責其成功於是畚鍤齊舉有不戒而趨之意侯恐其過於勞也趨承水利之家具酒漿醢菹以食之勸相既頻功緒日就湖之北故為官道水齧蝕且盡因築而廣之湖南沿堤亦有

曲徑以通人行居民侵塞且及湖百尺皆斥而復之
 雜蒺花柳映帶左右復聚土為山於花島之後經始
 於今洪武戊午正月十五日至三月十八日湖之濬
 已及三之二以東作方輿遂輟其功其深五尺有奇
 役工三萬二千有奇自興是役晝恒晴夜或雨雪迨
 夫遂事霖霖久不止君子謂侯愛民之所感是歲發
 七縣大旱繡湖之田獨獲有秋縣人士懷侯不能忘
 援昔人名橋故事既名土山為孔公墩以識侯功復
 來謁予文為記欲示後之為令者俾嗣濬之余觀載
 籍之中有民社者能修陂渠之政則屢書之而不厭
 其詳此無他以民食之所繫故特用是以為勸也昔
 者史起之為鄴令大興水利以利民至有易鹵生稻
 梁之謠及今五尺之童亦有知其賢者世之為令者
 苟能如起之愛民其令名有不乖於無窮者乎繡川
 湖縣之巨浸一方之所倚賴自景定甲子以迄于今
 已閱一百十五春秋佩銅章墨綬者不知其幾人皆
 漠然不以為意而孔侯獨能行之可謂無媿昔賢者
 矣因備書之勒於金石非惟永侯之聞抑亦勸來者

以則效之也侯名克源字敦夫孔子五十代孫系之
 以詩曰華川之墟眾水所趨其勢回旋匯而為湖黃
 流奔衝歲受洿濁不有濬之化為平陸孰為其先澤
 我甫田孰為其後維令之賢其賢為誰裔自曲阜我
 煦我育不邇名父百齡絕響曰吾繼之民食攸繫何
 敢勿思乃程土功乃集徒旅畚鍤齊與其來如雨森
 之綢綢斥之絳絳翁之鳩鳩離之休休眾者既深壅
 者斯戢建牖築防節其出入潦水時行納之若虛猶
 如東瀛注於尾間亢陽為沴靡神不格徒爾號呼土
 毛盡赤我行我野黍苗芄芃亦有流泉其聲淅淅人
 力勝天遵古之義胡不是修索諸茫昧彼歲邁凶我
 年獨豐拊已而思伊誰之功功在不刊匪文莫記采
 而書之敢告惇史洪武十一年冬十月記黃潛詩
 垂雲晝朦朦湖面惟一色薄晚風更生際夜雪初積
 凝陰勢方盛塵土喧暫息坐久聞拏音忽然破寥閨
 王禕詩二首十里華川上年來足勝遊雨花林下
 寺風柳驛邊樓漠漠芙蓉浦依依杜若洲平生身外
 事未許付浮鷗相攜偶出郭縱目路忘踪山色初晴

好湖波積雨加春濃浮酒興人壯惜年華世事猶多
故芳辰重歎嗟金涓詩二首湖上晴光麗物華行
行幽興浩無涯林頭新店去沽酒門外小盆來賣花
天氣可非三令節春風多在五侯家茅菴兀坐無餘
事靜看遊蜂報午衙繡湖八月景堪題士女扁舟尾
尾齊白水青山圖畫裏淡煙疎雨夕陽西芙蓉濯濯
斜臨岸楊柳依依密護堤滿眼浪濤終古事華川望
斷意都迷驛樓晚照邑人吳澄詩夕陽遙映驛樓
明景綴丹青畫不成征路馬嘶寒暝散虛簷鴉噪暮
天晴平吞山色千重秀下瞰湖波幾度清多少往來
人眺望迴舍一段古今情朱肇詩高閣翬飛古渡
頭夕陽西水影悠悠落鴉聲裡皇華使登眺嘗懷靡
及不陳思任詩繚繞萬山裏孤城背夕陽樓藏烟
樹藹湖蕩水雲長官柳迷春濕津亭倚暮荒憑闌送
人處離思正茫茫煙寺曉鐘邑人吳餘慶詩雲錦
重湖煙水平僧鐘隔岸曉聞聲希微乍響隨飛鶴倏
忽洪音吼怒鯨楊柳軟風吹不斷樓臺殘月夢初驚
令人感慨加深省今古悠悠無限情縣丞劉傑詩

義烏縣志

卷之二

山水

六

流瀟初分曙色回蒲牢聲出上方來應知百八初
出疎林一片烟霞古諸天花雨深三山同佛日雙
聽龍吟安得辭纓冕談禪坐碧岑花島紅雲邑人
王仲序詩繡川川上有平臺花裏晴雲晝不開絳彩
網縷迷閬苑紅光掩靄靄接蓬萊隨波片片臙脂落夾
岸重重錦繡堆佳客每來遊翫處此身何異到天台
龔永吉詩湖心瓊島植名花爛熳如雲簇絳葩更
得樓臺相掩映遊人爭道是仙家陳思任詩幽島
浮空麗名花結陣濃紫霞披曉樹碧水浸高春陰萬
丹青積氤氳錦繡重攜尊坐孤嶼取次拾芙蓉柳
洲畫舫邑人陳亢宗詩鴨綠鄰鄰湧漫波鶯聲楊柳
曉煙和纜牽翠影微微度權拂柔絲款款過繡幕湘
簾開菴畫短簫橫篴載青娥晚風十里湖邊路亂入
中流采芰荷朱肇詩柳舒春色鬪纖腰畫舫臨湖
酒興饒欲索龜頭醒醉物茶烟已傍綠絲搖吳之
文詩柳色拖金縷湖波綠皺分彩旗堤外裊畫鼓酒
中間月度千重樹橋穿萬壑雲扁舟恣歡賞人是謫

僊羣 湖亭漁市邑人顧謙詩白蘋風起浪花腥湖
上漁船泊近亭遠遠居人纔市集蓼蓼擷鼓未聲停
翻波活鯉穿青柳出水鮮蝦帶紫萍日影西斜分散
處阿誰換得酒雙瓶 劉傑詩翼翼新亭瞰水邊漁
郎爭萃鬻魚鮮幾回得價分歸晚沽酒酣歌月滿船
陳思任詩烟潭漁艇集曉市女牆偏半雜松江鱸
全收漢水編興來沽酒去醉醒得魚還瀟灑春湖上
翻合勝事牽 畫橋繫馬邑人謝璉詩赤欄橋畔繡
湖西沙軟塵香襯馬蹄風動絲韁花外駐日移金勒
柳邊嘶圍人飽秣紗帽草遊客深憐錦帳泥幾度欲
歸還不去從教控立在長堤 劉傑詩神驥生來自
渥注輿梁西岸繫枯槎若逢伯樂重相顧價直從教
十倍加 陳思任詩盈盈湖水畔拍拍畫闌西烟浦
雙虹臥春堤匹馬嘶柳深迷玉勒花落染香蹄恣意
尋芳去東風倒接離 松梢落月邑人邵正詩樹老
千年飽雪霜蟠枝低掛一輪光明珠出海蒼龍躍寶
鏡懸空翠蓋長兎窟清秋毫可睹鸛巢夜久夢何長
居人露坐觀幽景頓覺平生百慮忘 知縣劉同詩

矯矯蒼虬百尺餘乘風上攫玉蟾蜍夜闌樹杪圓如
鏡一似當年領下珠 吳之文詩蒼蒼松百尺微月
半天賒散彩金穿戶流輝玉浸沙氣清和露墜望遠
倚樓斜皎潔無如此休尋澗水涯 荷蕩驚鷗邑人
丘觀詩藕湖風動水粼粼驚起沙鷗聚散頻數箇帶
波投霽岸幾雙明雪點秋旻紅衣撲落香飄麝翠蓋
翻露瀉銀一段閑情無限好安能載酒乘逸巡
朱肇詩荷華滿蕩吐精英鷗鳥相依起自驚異境幽
香誰與占不 何故不忘情 陳思任詩藕花風動
處無數野鷗驚漠漠浮清浪微微綠萍披香狎玉
羽翻露落紅英濛濛春湖上偏尋野老盟 繡津橋
知縣熊人霖詩十里湖香接芰荷蕭蕭竹樹繡輕羅
潺湲曲水穿山麓明月橋邊聽棹歌 王禕詩古志
次首載稅文舊志前首入此二首仍載稅文今并入
此稅文從刪乃金涓稿亦載二詩俟訂入景
七言近體本古志七言絕句從稅文改入

塘

義烏縣志

卷之二

山水

七

駱家塘 舊傳駱賓王居 此縣北一里

石牌塘 烏傷墓前上有石 表故名縣北四里

傅母塘 廣九十八畝

陳龍塘 廣五十六畝 以上一都

山爐塘 廣六十畝 四分二都

上塘 廣二十畝

青塘 廣二十五畝 八分

麒麟塘 縣北一十五里相 傳宗忠簡公將生

時有金麒麟見此 塘故名以上三都

錢塘 廣一十九畝 七分

上楓塘 廣六十畝

下楓塘 廣五十畝 七分 以上五都

洋塘 廣一十九畝 七分

陳塘 廣八畝 七分 以上六都

青葉塘 廣一十九畝 三分七都

後深塘 廣二十四畝 五分九都

兩頭塘 廣二十畝 十都

泮塘 廣二十八畝 七分

八步塘 廣三十畝

金鵝塘 廣三十畝 昔人欲 開此塘以通諸壑

豐江有金鵝飛出而 止故名縣北一十里

放生塘 廣四十餘畝 縣北五里

餘慶塘 黃塢山之右 原縣北六里

鴉塘 相傳顏孝子築冢時 羣鳥銜土之處故名

以上十 一都

青陂塘 廣五十五畝

中水塘 廣四十二畝 以上十二都

蓮塘 廣五十畝

清塘 廣五十四畝 以上十三都

高塘 廣二十二畝

鮎鮎塘 廣二十二畝 以上十四都

分水塘 廣一十畝

賈拍塘 廣八十畝 五分 以上十五都

苦竹塘 廣一頃八十畝 有 馬跡石十七都

波東塘 廣五十畝 八畝

王蓮塘 廣七十畝

姑塘

廣三頃四十二畝詳府志以上十八都

清蕭塘

廣二十八畝五分十九都

徐塘

廣五十八畝七分二十都

澤塘

廣三十畝

洙塘

廣五十畝以上二十一都

官塘

廣二百畝

長塘

廣五十八畝以上二十二都

姑塘

廣五頃二十畝

新塘

廣五十畝以上二十三都

稽亭塘

廣一頃二十畝有傅大士漉魚潭二

十四都

蜀墅塘

蜀山側周圍四頃五十三畝灌田數

千畝

蜀墅頭金涓詩溪頭自舒散天淡夕陽微拂石松邊坐看雲水上飛舊磯雙鷺下小棹一漁歸不

覺吟成久苔痕濕

上衣餘詳見水利

後山塘

廣四十一畝五分

後澤塘

廣二頃

後朱塘

廣一頃一十畝以上二十六都

倍磊塘

廣一十九畝五分二十七都

山丁塘

廣一十九畝五分二十八都

姑廟塘

縣西南三十五里昔有仙姑顯跡於此遺擘尙存

長茂塘

廣一百餘畝縣西一十五里

池

硯池

縣學前上有石橋

放生池

一在繡湖一在東江上至浪灘下至

龍潭一在

旋螭池

雲黃山池水紋多佛頂旋如螺形故

斷坑口

灘

下陳灘

縣西三十五里

後蔣灘

縣北一十里

馬嘴灘 縣西四十五里

潭

師股潭 龍門山下潭側石上有傳大士濯足兩股痕舊志作縣東一十五里

黃蒲潭 縣南二十里

包潭 縣西三十五里包伯樞講學宋濂從遊徜徉於此故名

仙鶴潭 縣北四十里甘溪蜀山之旁相傳昔有仙鶴起水中故名 李鶴鳴夢歸僊鶴谿堂詩谿

幽軒籠竹月含烟歲華流水俱陳迹世事浮雲且俗緣桑柘雞豚能似舊扶藤散步挾書眠本古志

龍潭 縣東南二里龍潭山下

錫潭 縣西南四十里八保山下

井

四井 舊傳郭璞所鑿一曰富井繡川門外百步二曰貴井朝陽門外五十步三曰貧井舊學西三十步四曰賤井縣前二十步以泉之多少清濁為辨惟富貴二井甘美遇旱不涸

孝子井 烏傷墓旁

大士井 九里江之南泉甘色碧深不及丈遇旱不竭相傳傳大士所穿飲之療病今名善慧泉

龍井 香山寺前有巨蜃潛其中遇旱請禱得蟾蟾其應速他魚則遲已雨復歸於井

古綢井 滿心寺前原綢州故址故名今湮

虎皮井 縣東廢雙柏驛內今湮

泉

古老泉

縣西六十里今野

錫杖泉

香山寺前

大士泉

寶林寺西

螺井泉

黃山左其泉一年出黃山之原一年出五雲山之原輪流不變可以溉田居民利之○府

志舊志作縣

西三十五里

瀑布泉

香爐峰 喻良能詩山居野驛悚理策事遊 嫉嶽岑屬初霽眺覽得所宜懸崖有飛瀑注

壑從涼颼濛濛噴霧雨冉冉含烟霏清冷詎可汰駛

激疇能陂會心欣有得徙倚不知疲鴈蕩境千里香

鑪天一涯平生未能矚昏且矧欲窺何如茲山溜若

與幽人期它年營菟裘舍是將安之 又瀑雨霏霏

濕翠嵐從來天半許誰探凌空 踏盡峻嶮石始到峰頭第一潭

舊志

署廨

古者規方百里以為侯服分職御屬各有寧宇以宜

序民事故雅稱管謝風咏定中春秋營繕必書誠重

之也明初建天下郡縣各長貳掾以聽政有管署監

臨者以事至有行署使節來有賓署下至諸曹掾郵

亭莞痺洞洞之類城隍式類

五老泉

香山

錫杖泉

香山

大士泉

寶林寺西

螺井泉

黃山左其泉一年出黃山之原一年出五里山之原輪流不變可以溉田居民利之

志舊志作縣

瀑布泉

香爐峰 喻良能詩山居影壁餘理象事於

空從涼颯濛濛噴霧河冉冉合烟霏清冷可汰

微盪能波會心欣有得徒倚不知疲鴈蕩境千里香

義烏縣志卷之三

營立志

署廨

古者規方百里以為侯服分職帥屬各有寧宇以宜

序民事故雅稱營謝風咏定中春秋營繕必書誠重

之也明初建天下郡縣令長貳朝夕聽政有嘗署監

臨者以事至有行署使節來有賓署下至諸曹掾郵

亭筦庫司局之類咸稟法式類則飭之極敝則新之

廢則舉之逮後屢毀屢建至

矯其故怵於刑不規其辜以此使民而豈有不憚然非之而斯今類首受事者若子之趨父事東驟操馳靡有不共非違於為政者孰能之異時坐廟堂統百官訂謀議政授任羣材亦若茲宇之堵畫而底于績也春秋大書魯書作易之章曰革而當蓋工木之功莫大於作其難于改善治民者使之而不知勞之而不獲其近於易春秋之義乎雖然此傳舍也閱人多矣人之居是官去之日與猴始至之心不少貶者蓋其供贊乎哉是役也經始于是年十一月迄明年三月主簿察罕不花賦其成典史趙英傑張國祥趙維管之邑人伐石紀勒以赫無窮之聞余為記繫之以詩曰邑豪昔稱官誕益饒勢柄驟移孰軌孰列侯車戾止壹是廉則銖私室蹊篋路銅隙爰度攸宇百里其瞻昔庫今崇翼翼嚴嚴民曰廣哉于役勿棘仁歌被絃以燕侯德纓之舟之繡濱云云豐岷紀成用侈厥勤皇慶二年三月記 至正十一年達魯花赤亦璘真重修至正十四年冬上

竊發復皆燬

不欺堂及樓亭皆燬

明初重建譙樓

扁曰明遠

洪武三

年知縣張永誠遵定制拓基重建

邑人王禕興造記今天子既正大統

務以禮制匡飭天下乃頒法式命凡郡縣公廡其前為聽政之所如故自長貳下逮吏胥即其後及兩旁列屋以居同門以出入其外則繚以周垣使之廉貧相察勤怠相規政體於是而立焉命下郡縣奉承惟謹義烏隸婺為上縣南昌張君為令三年于茲威惠並行民吏悅服先是縣廨悉毀於兵惟譙樓僅存今治所雖有屋而庠逼弗稱君方圖新作之而命適下乃益以興造為已任勸民之有餘力哀材鳩工擇日以庀事民咸樂趨之其中為跡事之廳廳之後為燕處之堂廳之前為儀門其左右為步廊堂之後為舍又其東為部使者分司之署其西則繫囚之獄在焉總為屋若干區以間計者八十有五舊基不足則取民地相竝者益之而割他地之隸官者償其民規

制完美一如法式經始於洪武二年六月巳巳至十月而落其成蓋由張君使民有道故興是鉅役而民不以爲勞於是縣之士友以書告余曰子縣人也願記之按縣志義烏自漢以來爲烏傷至唐武德四年以縣立綱州又置華川縣七年州廢省華川入烏傷而更今名華川故址在今縣南三十里則縣治之在今所舊矣然自縣之爲義烏距今七百有餘年爲令者不知幾人而張君至是欽承上命乃始斥而大之雖君之材足以有爲豈因仍更革之際固係於昔歟昔南豐曾鞏氏有云凡縣之得能令爲難幸而得能令而興事尤難今義烏得張君爲令既幸得其所難得而張君又能因時興事以成其尤難者是誠不可以不記雖然事成矣苟非後之人相與保守之烏能以不廢乎夫欲使後人保守而不廢必託之文字乃可以永久而予不腆之文不足以傳也姑書其興造之歲月而著其成焉君名永誠字與名同嘗爲大都督府斷事官知事以選來爲令治行爲諸縣最其善政甚多以不係於興造茲不著贊是役者主簿陳君

者也三年春歲久漸廢惟廳門存正統間知縣劉同

二月甲子記縣丞劉傑相繼蒞事重建後堂扁曰川堂譙樓六房

左右書房喜雨亭暨各官居舍邑人朱肇記古者令

民上下之分而一其觀聽也義烏爲金華壯縣欲有爲非學識弗稱廬陵劉公伯詢湖廣贊政習之先生之子武進丞嘉會先生之孫由正統巳未進士來令義烏至之日吏抱成案請操次請署或進日縣之廳苟焉支柱可乎公曰政不在茲而在吾職之所當先者奉勤爲念君德未宣思所宜之民情未達思所達之是故學校在吾所當興必先興之賦役在吾所當均必先均之戶口田野在吾所當增當關必先增之關之盜賊詞訟在吾所當息當簡必先息之簡之然後可及其餘或者退日吏濫筆署事惟謹名分定視聽一越明年癸亥歲首人順時和瑞椿生於戒石之亭再三年丙寅五月四日虎負子渡河之南而避又

四年巳巳春繡湖出靈龜吏民父老捧而獻之令祝
日六事舉庶民安令之德也三瑞疊出令之福也福
德令之賜吾民者也力役民之報吾令者也令不自
專詢於丞丞曰可詢於簿簿曰可又下而贊邑者亦
從而日可龜正入鄉大家輸財効力工人薦技巧者
又以聽軒前後兩棟其間簷竝漚廢則梁棟壞
非久遠計刻其上合而為一總其瓦墁其下分棟如
舊寬廣不易雄壯藻麗視昔則有加幕庫廡舍煥然
一新爰自繕工于景泰庚午六月甲申落成於九月
甲子邑之人士賈石請肇作記肇曰公之興壞起廢
可稱述者非一廳為首始焉答或問未可為也終焉
諾吏民父老可為也未可為而為急也可為而不為
緩也未可為則弗為可為則為緩急得宜稱也推而
上之至於臨大事決大議亦不外此非學識而何若
夫縣治沿革廳宇廡舍制度法式創而改廢而興先
達宋知浮梁州事朱公叔麟國朝王忠文公禕備詳
之矣予獨以公之重於勤民財用足力役舉舉之易
成之亟詩云庶民攻之不日成之朱子謂其言之善

者可以感發人之善心於此可見謹書刻石以俟後
之君子興壞起廢者有所取法焉佐其事者丞沅陵
賈君仲舉簿銅梁聶君成化十五年知縣趙溥修嘉
仕傑史定遠王君儀也靖十五年知縣胡樞重建儀門十六年重建譙樓

金江記義烏縣署之前舊有門樓所以出政令嚴禁
限謹昏昕通往來也嘉靖辛卯會燬於災長洲胡公
蒞茲三月而政成乃考廢而新焉爰始謀築之臺崇
尋有六尺樓準臺之崇東西之廣入尋南北之修半
之樓為間者五視舊加其二而臺則舊之所未有也
勞不及民費不勤官經始於壬辰十一月朔日訖工
於癸巳十月望日雄壯宏麗山川增輝士民或有未
知其興作者聞而聚觀舉相顧喟愕恍然以為地之
踴躍奮迅而出也公以予縣人屬記其成予辭弗獲
按禮諸侯之制有臯應路門天子之門加庫雉焉古
者立國必先為門春秋於僖公書新作南門於定公
書作雉門聖人特筆示魯僭也文王遷豐詩人述而

義烏縣志 卷之三 署廡

歌之其辭曰作豐伊匹釋者匹言其稱也義烏為婺
壯縣提封之廣編戶之衆殆與古于男之國相埒埒
則有門樓非僭也亦稱焉耳胡公得所為而為之乃
稱所以為縣者矣斯役之成豈徒準時制備職守而
已庶於政乎有裨若乃退思有樓土神有祠儲粟有
倉繫囚有獄徒役胥吏吏息有舍前為儀門為官
廡築二亭於門樓之外左曰申明右曰旌善圯者完
隘者濶遺者舉為屋以楹數凡若干則又不可以殫
記者因并書之胡
公名標是為記
二十一年知縣梅凌雲重建川堂
扁曰
靖其
萬曆十八年夏六月燬於火公廡無復存者知

縣金繼震倡義民捐助於是邑之虞吳龔三姓力任
完繕儀門中廳兩楹及川堂一帶而齊民各以次醵
金襄事擇耆老黃承泗等十二人董之經始於庚寅

仲秋迄辛卯季春望日工竣規制視昔倍壯 知縣周士英續

記今天子踐祚之十有七年金君以治行高等由古
濬調烏其明年縣治災拮据土木日艱孰弗恬即於
次又明年上計於朝尋擢典南禮余以壬辰之十月
代君乘傳至縣步自關門睹公廡鼎新厥構極為瑰
壯以問左右左右對曰是金侯之為也先是歲庚寅
六月邑人不戒於融風夕驟燔環市宅千塵立盡倏
延治宇火烈烈莫可救侯身自扞板之仰而歎曰天
乎而奚降之災以難我也邪我固非吾有也寧災吾
身而母貽厲公室然火竟至侯身子立處所而滅獨
衙舍歸然存而已災之明日稍稍經紀工事費且不
貲而括公帑之羨僅六百元不足以繕興作議者謂
侯檄二三父老號之於眾宜必有應者公又頰而嗒
曰民乎吾不能善焚室與之材而更欲賸之資弁以
佐災乎民誰與我於是邑之縉紳先生有虞君龔君
者若而人羣而弔於庭日不暇故廡湫隘庫陋意者
天降回祿而令乎革於已日與我儉邑用不敢保聚

署廡

以聽征繕博士家弟子羣而語於庠日孰使我
 而絃誦者非侯乎侯即不能無且夕勤民請得
 備綱紀之役里巷長老羣而謀於野日吾儕小
 有室廬以辟燥濕寒暑而侯今昕夕張蓋露
 侯可其悉率儲胥以共鳩我公室乃所以報也
 之固謝不獲卒聽博士先生主其計士民以差
 計而百之而什之而伍之而三之最下者三之
 日而累數百金更又旬日而累千金主計者以
 口其亟罷之以若數而益之公帑之羨足吾事
 遂庀役即工採植於星虛奠材於日至於是為
 者若虞茂徽虞良木吳彥清龔明道等聚族而
 搆之任不煩里旅而諸耆老咸協力襄事丁丁
 而告落成中為正廳凡三間名為振新堂志重
 左為幕廳右為耳房庫為架閣庫為際畱倉各
 兩廡列曹吏為房十有六西南為獄禁繚以垣
 房二十有五前為露臺覆以屋又前為箴石亭
 為儀門五間門之右為寅賓館左為土地祠凡
 又左折而入為預備倉房二十三間前為縣之
 大門

上設鼓樓五間東西為申明旌善二亭正廳後為
 堂又後為後堂凡三間堂之東為丞衙稍前為尉衙
 西為捕衙而庭除庖室扁垣之類具加葺如舊初
 氣者以北隅有刑德數名災乃又於是斥其羨
 觀樓三間環內衙之後左既設忠賢祠以崇先
 於右特建玄武廟玄武水象也水尅火從所為
 神之於北之墟焉凡宇廡以間計者一百七十
 肩牆以丈計者二百有十公私緡錢以兩計者
 九百有奇詳著在碑紀中周士英曰余觀於是
 竊歎金君之不易云古言非常之原黎民所懼
 禹之聖焉而招瓦礫以起之賢焉而騰怨誹民
 可與慮始類如此當金君之始為是役也勅非
 舉而民固信焉而不吾駭前者唱于後者唱喁
 躍成之唯恐後其上規下隨之畧亦足睹矣居
 或肆南箕之舌以齟齬一二胥役上覈焉獲
 於是罪訐者君子是以益歎金君之不易也是
 鄉縉紳則虞德熿龔一清陳守亮贊其議巨室
 溪之虞大圓之吳松門之龔肩其重義民則黃承
 文

方升九王芳毛伯暹金李之屬勸其資者老則黃承
泗陳惟誠龔希夷金桂李無疆陳思善王思聖黃惟
壽葉思敬楊一湘毛如麟馬仲賢董其役佐理則幕
職會大賓効其勞出納則司訓王澹俞寵籍其數例
並得書金君名繼震別號戴槐世於休起家丙戌進
士與余同舉於鄉余承其後私竊微大廈之覆且不
宜使是役之沒沒不傳也故
具述其詳令後得以觀感焉
崇禎十三年知縣熊人
霖增修於庫後建素絲堂

國朝順治九年知縣宋雲榜重建譙樓康熙七年知縣
孫家棟重建吏舍十三年廳廡再燬於寇知縣于漣
僦民居視事十四年秋知縣辛國隆以私署退思堂
三間為正廳十五年冬於舊址建正廳川堂後堂耳

房庫東西廊儀門土地祠寅賓館次第修飭十六年

秋復捐建典史衙十九年又建譙樓

山陰沈麟趾記

皇帝御極十有三年適逆藩倡亂東南蠢動
宸慮隳勞思所以奠安區域綏定元元特簡材能之士
出為縣令者四十四人而侯實居一焉侯分符得義
邑邑於發為最劇號稱難治自晉梁以來宦茲土者
按姓名得百六十餘人其間傑然稱循卓者蓋無幾
而况值戎馬紛紜兵民交困之秋欲其才德優長恩
威較著不憂憂乎難之哉侯自下車後始也稍向乎
嚴繼也濟之以寬嚴則民畏侯則民懷嚴與寬合與
與懷兼為政之大端具斯矣邑署大堂向為金公倡
建熊公增修近被兵燹所燬侯僅給茅數間以居意
在息時寧民雖體統弗稱晏如也斯時邑之士民共
請修建者再而猶未之允也越明年眾懇益力侯乃
申詳各憲報可而後奉行焉爰卜日選材捐俸以
為首倡不區區責助于此聞而急公者雲集供役者

子來非侯之德意素乎人心何能嚮應同桴鼓如是哉夫堂所以辨等威出號令施政教也壞則必飭廢則必舉故不當為而為則失之躁當為而不為則失之急苟躁與急即一堂之不理而他事亦可類推矣今而後知侯之能急先務也雖然侯而坐此堂也民有利必思所以與之民有害必思所以除之民之瘡痍未起也其所以生死而肉骨者奚若民之風俗未良也其所以轉移而變化者奚若以是思憂憂可知以是思懼懼可知既而庶政和百度貞或執白羽而麾焉或取綠綺而撫焉古所稱不下堂而治者不越乎此矣吾聞義邑為婺郡上游羣峯盤繞層岡四塞而又滙以繡川環以大江風氣莫完固于此而茲堂獨巋然高峙其間所謂挹林巒之秀麗苞河岳之英奇邑之人文生齒不從茲寢昌寢熾也乎堂肇工于康熙十六年三月落成於本年十月侯姓辛諱國隆旗下官生邢人思勒之貞珉以誌不朽偶徵序于余余樂紀其盛故不辭而敬為之記 邑知州金以琳記歲甲寅閩寇作叛延及我烏而縣治以燬三

茲土謀所以新之琳曰吾邑義邑也民苦之也琳曰

天子以禮制匡飭天下凡郡縣公廡為聽政之所豈民舍反不如乎即在當事者體民樂為之心而令其隨力以應治成矣未幾而工成鳴絃之堂煌煌乎其雄也有孚之庭淵淵乎其深也左右前後軒朗照耀廓如也子來之義集於須臾豈非義之民以義感者乎公之德深矣敷政十年循良茂著與不其浚儀爭勝民之發為歌頌者徧四境焉若夫敦大體崇風教臨事達權好道樂德人即之如登春臺者又難更僕數也夫治所以辨等威施政教壞則必修廢則必舉苟當為而不為則失所先務矣孔子曰為政以德譬如北辰居其所而眾星共之居其所居德也而居其位者亦即在是則新吾居以新此民

國朝康熙三十年知縣王廷會增葺東西廊譙樓飭修

庭階新土地祠

正廳三間

舊額振新堂旁兩間虞氏助建知縣熊人霖改敬事堂今改

戒石亭一座

川堂三間

舊額有孚庭龔氏助建

後堂三間

舊額精誠軒今改

幕廳三間

正廳東

耳房庫三間

正廳西

架閣庫三間

川堂西

東廊十間

吏戶禮房舊志有糧承發今經制無

西廊六間

兵刑工房

獄房二十五間

西廊西

儀門五間

吳氏助建

土地祠三間

儀門外東舊王芳義建

寅賓館三間

儀門西

譙樓五間

即大門

知縣衙

後堂後廳三間室三間東廂房三間西廂房三間內門一座中樓三間後大觀樓三間左

舍十三間右舍二十間○後右

玄武廟向與忠賢祠對祠久廢

典史衙

縣丞衙之前正堂三間室三間東西廂房六間

吏舍二

一東廊房東一主簿衙前

行署

按察分司舊址在縣治西十五步明洪武二年知縣

張永誠建正統七年知縣劉同重建嘉靖二十六年

知縣楊東徙建故儒學基在縣北一百五十步毀

東西廊房各三間後為川堂左右廂屋各三間後室

凡三間前為露臺為儀門為大門

知縣楊東記直北有山曰黃檗之山

蔓為支岡蜿蜒南來可十許里其中岡則右掖繡川之湖左瞰烏傷之谿勾樓而止是為縣治縣治後二百步許為儒學其閱歲且久正德十三年巡按御史吳公華遷學縣西湖北崎上因虛其地自是縣多火患民居舊屋始盡延及按察分司民滋警思徵諸堪輿家以治所前囂後闐為陰不能耦陽故火無水忌乃相與騰騰歸咎于遷學將圖復之然學固安于新利舍舊且以告于官司亦汎漫視莫為之省民病焉嘉靖二十五年予以御史謫知縣事來父老求民疾苦實首以是告予詢之知學不可以復乃論之退更籌其便明日輒復旅進合言于予曰分司外臺廉訪之所舊惟切近市塵故勿禁于火苟以改作于學之廢址去庫隘以卽爽塏將無不便且地之售可就充費倘傳之公贖之無破者庶其有濟予聞之政之道莫要於急民遂往來相度審如所言從之具以請于當路既獲報可乃慮用元料選吉授役面勢奠位以

昭等威中為堂三間堂之後為居之軒一間又後為燕寢三間旁為庖湍及吏書之房六間為左右廡于堂之南六間中外為門二座視寢與堂之數墜甃藻飾庭堂簾級舉中程式百堵周匝乘以比棘防範慎密前瞻縣治則隆然對起而腹背相倚矣既固以完是宜永存以弭憲節以定衆心似莫有便於此者凡為日二百有七旬以畢工總其費僅三百金無涉衆焉既落成都御史東厓虞公辱予教曰是役也無逆于同無妨于公集事以靜民而民不與勤政之善物也惟是公宇徙置廢興必詳其因俾有考于來今禮之恒則也公其得無識乎予既不獲謝于是乎書于石若夫承委而克勤于董趣則典史劉大有部民有勞于幹以亟其成則黃之六平本餘其久廢宗旦虞之守勤良朴去久廢六平本餘其久廢

布政分司明正統五年縣丞劉傑卽稅課局基為之

稅課局舊在縣治西

卑陋弗稱十年知縣劉同徙建縣治東六

十步久廢

府公館 舊在布政分司西久廢

申明亭一間 譙樓外東洪武六年奉例建凡民間詞訟里老問理於此有犯奸盜者書其名

懲戒 以示

旌善亭一間 譙樓外西洪武八年建凡民間孝子順孫義夫節婦志行卓異者書其姓名以

示勸

屬署

醫學 舊在三皇廟內今縣治東久圮○按北魏書義烏元時有醫學教諭宋淵係濂兄

陰陽學 縣治西久圮

僧會司公署缺 寓大安寺

道會司公署缺 寓東嶽官

急遞鋪 凡一十一處每鋪屋三楹旁有兩廊中建郵亭外為門榜以某鋪設日晷以視時刻具旗

鈴以嚴號令置包匭以護封緘凡有文檄往來傳至鋪必附於曆每一晝夜以行三百里為程限弗敢稽

遲義馬鋪路有三東至東陽西至金華北至浦江明洪武三年建置鋪舍東西鋪路俱因其舊惟革西北

至浦江路一鋪增置東北至諸暨路五鋪仍三路焉嘉靖間請革岡頭蒲塘二鋪又改善坑鋪為嶺頭鋪

云

縣前總鋪 縣治南二十步 東路雙牌鋪 總鋪東十里

溪鋪 西路安福鋪 總鋪西十里

翁村舖

安福西十里

義亭舖

翁村西十里

航慈舖

義亭西十里西達金華棠梨舖

東北十里舖

總舖東北十里○舊有岡

頭舖縣治東北二十里蒲塘舖縣治東北三十里廢革

唐公舖

蒲塘東北十里

嶺頭舖

舊名善坑舖唐公東北十里達諸暨

羅嶺舖○按烏舊有驛以非衝道使節罕臨革但上司時取便道橫江亂流由諸暨入境僅去一舍牌到候迎輒逾旬日夫馬暫返奄忽突臨輿從困於饑疲首領懾於震怒廩食虛靡上下交病宜於酥溪置一公館或倉廳歲僉夫役二名帶管埽閉量給工食委令中途傳遞馳報庶候人夙戒夫馬免久候之勞廩糧省虛糜之費公私兩便

預備倉原東南北三處

東倉在縉雲鄉四都計地一畝五分南倉在雙林鄉二十

五都計地一畝四分四釐北倉在龍祈鄉十都計地三畝

明洪武二十四年建正

統五年縣丞劉傑卽西郭荒址去縣一百一十八步

增置一處六年知縣劉同勸富民出穀實之弘治間

鄭錫文呂盛皆嘗修葺嘉靖五年知縣林文焯重修

二十八年知縣汪道昆增建廩屋已東南北倉俱廢

西倉僅存隆慶五年察院謝公廷傑以倉在郭外行

文將倉基四畝零名賣為移倉費時推官劉守恒署

縣事名邑人朱應和納價銀三百三十一兩貯庫察

院蕭公廩仍合應和領銀七十六兩糾工改遷其倉

於儀門之左廳屋二十間門屋一間計地一十三丈
橫一丈六尺萬曆十八年燬于火知縣金繼震重建
南爲官廨三間北廢屋三間東西列上下廢各七間
門屋三間後存九間今止四間
明例每歲該積穀八百石舊編斗級二名
後因役苦繁重改僉倉夫四名額派工食銀四十兩
然往往正身不出應役以致積棍包攬始而倍索役
錢既則蠶食倉穀虧折賠累復及正戶徭役
中之病民者無亟于此近已無僉倉夫之事

國朝康熙三十二年癸亥知縣辛國隆捐建後廢

常平倉舊制莫攷元至正四年縣尹周自強嘗一建
尋廢萬曆二十二年奉金衛兵巡道張議令屬縣俱

建常平倉知縣周士英勘定縉雲鄉四都地名廿三
里爲東倉龍祈鄉十都地名酥溪爲北倉智者鄉十
九都地名觀音堂爲西倉明義鄉二十五都地名赤
岸街爲南倉基地各二畝五分規制廳屋五間兩旁
倉廩各七間門屋三間視基之方扁如式建造所有
欽散之法具載記中
兵巡道張常平倉記天災流行
國家代有則救荒之政誠當亟
講顧既荒而賑救之也難未荒而預備之也易今之
談荒政者不越二端曰義倉曰社倉此預備而欽散
者也曰平糴曰常平此預備而糴者也昔魏李悝
平糴法中饑則發中熟之所斂大饑則發大熟之所
斂而糴之漢耿壽昌請令邊郡築倉以穀賤時則增
價而糴以利農穀貴時則減價而糴以利民名曰常

長治縣志 卷之三 署廩

平倉英雄豪傑先後所見畧同萬世理荒之上策在是矣今欲爲生民長久之計則常平倉斷乎當復者茲欲令各屬縣備察四鄉有倉者因之有而廢者修之無者各於東西南北適中水陸通達人烟輳集高阜去處官爲各立寬大堅固常平倉一所倉基約四畝合用工料本道察發贖罰并該府縣察處無碍官銀湊合陸續備辦建造每歲將守巡道及府縣所理罪犯紙贖實將一半糴穀入倉或察有廢寺田產及無碍官銀聽其隨糴買又或民願納穀者一如祖宗已行之法一千五百石請勅賜爲義民三百石以上勒石題名或如以上日救荒之令二百石以上給與冠帶五十石以上與旌扁大約每鄉一倉上縣糴穀五千石中縣糴穀四千石下縣糴穀三千石各實之但不許逼抑科浚平民各擇近倉殷富篤實居民二名掌管免其雜稅准其開耗每收穀一百石待後發糴之時每名準與平糴三石二名共糴六石以酬其勞糴完卽換掌官勿使重役城中預備倉照營造送察盤四鄉常平倉免送察盤止於年終各倉經

居民將舊管新收開除實在總撤數目用竹紙小冊開報該縣縣將四倉類冊申送各院并布政司及道府察考凡收糴俱該縣掌印官或委賢能佐貳官監督不許濫委滋弊穀到用該縣原發較勘平準斛斗收量明白暫貯別所積至百石以上方許稟官一收如有臨收畱難及未收虛出倉收既收侵盜私用冒借虧欠等弊察追完足各縣徑自從輕發落其有侵冒至百石者通詳定奪每歲秋冬之交本道或該府掌印管糧官單車開一巡視以防掌印官之治名而不治實者每除無饑小饑之年不糴外或值中饑大饑四鄉管倉人役稟官監糴另委富民數名用官較平等收銀其放糴一節當與四鄉保甲之法並行如該鄉穀多則糴穀一甲保甲一週穀少則糴穀分爲二三日或四五日保甲一週務使該鄉積貯之穀數可待饑民冬春之糴數方善四鄉不能盡同各宜審量行之大率賑糴與賑濟不同不必每甲尋貧民而審別之以多寡其穀數如一甲應糴五斗或一石或五石則甲甲皆同惟以穀攤人不因人增穀糴銀每

長島縣志 卷之三 署解 五

甲一封亦可庶乎易簡不擾或甲中十家輪糶則每日每甲糶不過二人每人糶不過二斗此荒年賑糶之大較也每鄉除無災都保不開外先期將有災保甲排定次序分定月日某日糶某保某甲某日糶某保某甲明白出示令保正副公舉貧民至期令其持價糶買如富者混買連坐保甲仍行宋張詠賑蜀之法一家犯罪十家皆坐不得糶中糶糶倉穀之半大減之大約減荒年市價三分之一方可壓下穀價不至騰踴或倉穀糶盡而民饑未已則慎選員役持所糶之穀本赴有收去處循環糶糶源源而來民自無饑救荒有功員役分別獎賞此蓋儲用社倉之法而糶用常平之意者也四鄉糶完即將穀價送官聽掌印官於秋成之日就近各選委殷實人戶領銀盡數照時價糶穀雖牙脚等費晒揚乾潔官監上倉如法安食等項俱準開銷其穀晒揚乾潔官監上倉如法安器仍總計糶穀正銀并牙脚折耗等費每石約共銀若干報官貯冊以爲日後出糶張本官不得將銀貯

庫過冬致高穀價難買如穀賤不糶責有所歸是倉不設於空僻去處者恐荒年盜起是齎之糧也穀不隸於臺使察盤者恐委盤問罪是遺之害也行予糶之政而不用稱貸取息之法者恐出納追呼蹈青苗法之擾民也蓋社倉之法立則以時斂散富者不得取重息而貧民需惠於一歲之中常平之法立則減價糶賣富者不得騰高價而貧民受賜於數十年後大饑之日昔蘓文忠公自謂在浙中二年親行荒政只取出糶常平倉米一事更不施行餘策若欲抄劄糶貧不惟所費浩大有出無收而此聲一布饑民雲集盜賊疾疫客主俱傲惟有依條將常平斛斗出糶卽官司簡便不勞抄劄會給納煩費但得數萬石斛斗在市自然壓下物價境內百姓人人受賜此法信不我欺故日常平法斷當復也

國朝康熙三十年知縣王廷曾於正廳東捐建廩屋三層共九間詳名大有

縣故有際留預備常平三倉際畱以備官吏俸糧綠徵折給而

署解

廢不止一邑也預備凡四置於鄉者三常平亦四則全置於鄉鄉之蹟成廢址今所沿者惟預備之西倉在儀門之左而屋止四間歛腐不堪會上命直省州縣捐勸積穀修常平之法以備荒災俾小民永無饑虛此萬世盈寧補助之規也廷會連歲倡捐不踰百十石而好義者頗亦不乏茲先出兩歲奉薪於堂東建版舍共三層為問者九以續常平預備之闕請之諸憲安名大有庶以仰奉

朝廷一民饑我饑之意爾知縣王廷曾識

養濟院

縣西一百四十步明洪武初命立養濟院以處無告知縣張永誠遵制建久廢正統間縣

丞劉傑奏准後二年知縣劉同於故址重建弘治間

知縣呂盛正德間知縣洪通皆常修葺嘉靖五年知

縣林文焯二十一年知縣梅凌雲俱重修其制正屋

三間側屋各五間外為門屋一間萬曆二十三年正

屋圯壞後縣周士英命保正陳思言重建崇禎十二

年知縣霖捐委縣民吳思有重修共屋二十二

間計地一畝五分

國朝收養孤貧五十名每名歲給布花柴米銀六錢

六錢

惠民藥局

明宣德三年令天下軍民貧病者惠民藥局給與醫藥縣故有局在縣治東正統八

年知縣劉同重建樓

一間計地三分今圯

漏澤園

知縣王廷曾捐資買孝子坟南黃姓地四畝五

分爲○按宋崇寧二年詔諸州縣擇高爽不毛之地

義塚置漏澤園即今義塚以葬貧民之無地者舊

在縣西五里淳祐中縣人董必遠為正其疆界繚以

周垣限以高門築屋其旁每日存義燕廢無攷明昔

義冢有二一在縣西三十里張家山陰陽家指為吉

壤可葬張貴和捐與鄉人後無葬地者為義冢正統

初姪世榮闢而廣之一在縣南三里一都下湖岸生

蔣志高於成化十六年憫無主貧民及囚屍暴露教

場將祖墳遷已地五畝捨塋正德間裔孫道珍見葬

者多而地隘復助聯界地三畝人名其地為化形壇

演武場

縣南五里下阜渡嘉靖十八年劉特宣遷于

紳因都指揮陳大成於原所仍復其舊建正廳三間

川堂一間居室三間東西廊房共十一間後圯崇禎

十三年知縣熊人霖捐修十月肄鄉兵于此熊人

霖詩春蒐小隊出村羽扇給巾江上亭組練光搖

鷗鷺色風雲氣壯鵲形六千君子推雄畧十二

便宜憶武經薄斂省刑多暇日三農努力報朝廷

總練所本掾曹會館崇禎十三年知縣熊人霖

遵旨訓練鄉勇委原任巡檢黃尙惠駐

金城營崇禎十二年知縣熊人霖于縣治西買民地

講武營崇禎十三年知縣熊人霖于縣治西買民地

定軍賦五人為伍五伍為兩百人為卒又推之為師

為軍四時之隙命有司講武而教民以鼓鞞鏡獨之

節人人使之為兵不必別為營而比閭族黨州鄉皆

其營矣厥後管仲作內政而寄軍旅依倣周制變為

輕利于是國中之士為兵鄙里之民為農農之所舍

為廬兵之所止為營兵民一分遂不復合我太祖初

定天下即分軍民令願為兵者立赤旗下願為民者

立白旗下自京師達郡縣皆立衛所民力農養兵兵

守戍衛民且諭侍臣曰兵不貴多而貴精多而不精

徒累行陣此有邦有土者所當繹思聖謨也夫有兵

則有營有陣有食其屯聚有地較閱有時春秋夏冬

柵守倉庫鄉兵若干皆見年里甲輪餼然亦居亭主
斂其餼而顧老弱克之取擊旂而巳余至履直金華
菁民弗靖震于邑之鄰部使急飭脩守戰具而司馬
門復注意議團練余乃集邑之紳衿父老於泮宮咨
之維之僉厥議曰鄉之有兵古田賦遺也曩者里出
二兵顧象人耳精可以勝多蓋當年里胥出十金養
鄉勇百有二十而材官驟張之精及營舍器械咸取
足焉於是大蒐於邑取壯丁投石超距者百二十人
月糗六錢材官教士精利者三十人厥視厥材遞
增每日簿書稍暇卽當堂較莠賞罰必行每月赴教
場習陣法束伍簡器一準威大將軍遺制乃取鐵官
之利於閩中設處工費購銃三十六又訪劉革堂將
軍家舊匠造刀鎗二百取材於山則備筆竹之矛鑿
木之槌約千等其火藥則給引採辦練三月軍既集
然兵民雜處帥長傲屋非制爰建兩營營各有總總
各轄三哨西營曰講武營以明農隙講武幽風之其
同載續也東營曰金城營以明衆心成城充國之其
城方畧也每月更番使得以休息樂佚余恒陽然

恐勞民且慮日後有征調之煩營制既定會天子俞
議者請通行團練於寓內郡邑且諭訓練鄉兵不得
徵調則天子明照萬里小臣先甲而慮未雨而圖或
不至以多事貽地方日後之擾騷哉或曰越有君子
六千楚有組甲三百今百五十人將無存乎見少余
曰兵之勝敵不在衆寡而惟係于精練顧節制分合
何如耳况以居守非以出征邑故無事之邑卽一旦
有緩急以兩營節制之士爲軍鋒而風聲謠俗所被
又人人可以阻隘登陴兵與民分實與民合茲舉也
建威銷萌其在三事就緒之雅韻作兩營志
國朝府撥防兵四十人領以
三十年知縣王廷會
層各三間後舍五間
元皆故有鎮守軍營
義鳥驛址也而演武場
禎中總練所金城講武
而守柵以民守署及
其鄉勇亦不設制視

附廢署

縣丞廳 舊在縣西一百五十步宋紹興十二年沈直方建有慈和堂簡靜堂湖山第一臺淨照關

晚照亭 舊志書廢

縣丞衙 知縣衙左堂三間室三間東西廂房十間因縣丞奉裁而廢

主簿廳 舊在縣東二十步宋大觀三年徙縣西五十步宣和六年主簿徐瑛重建有信美堂觸志

亭古志已書廢

主簿衙 知縣衙右堂三間室三間東西廂房四間門屋五間因主簿奉裁而廢

尉司 縣北一百八十步舊在縣北五十步宋紹興二年尉汪大雅徙縣西北一百步縣學故址也

元改 繡川驛延祐三年尉詹思丁重建於縣西金華門內復廢至正四年縣尹周自強更建縣治之左

二年 達魯花赤亦璘真徙至今所即舊社稷壇基

雙林明義鄉巡檢司 縣南四十里

智者同義鄉巡檢司 縣西三十里

龍祈巡檢司 縣北三十里

際畱倉 廩屋六間縣廳西 原設以備官吏俸糧後徵拆色給發不復收貯本色

倉 廢

縣倉 縣北三百步宋太觀三年建紹興三年知縣於古蹟重建

常平倉 編川驛右元至正四年縣尹周自強建明初改稅課局後革正統間縣丞劉傑改建布政

分司

酒務 縣東四十步唐雙柏驛宋義烏驛廢址

鎮守軍營 元置即酒務址

繡川驛 縣西北一百步舊在城東四十步唐名雙柏驛宋名義烏驛熙寧五年知縣茹敦禮徙縣

西一百五十步後枕驢湖因改名繡川驛紹興十五年知縣董燿重建後有清曠亭乾道四年知縣張鉉

更名德星堂又於湖濱創挹繡亭元至正十七年僉繡川站徙至於今所即舊尉司也今廢

待賢驛 縣北三十里唐文德二年置廢久莫詳遺址

龍祈驛 縣北五十五里元至元二十五年僉龍祈站創置今廢

文星樓 縣西一百七十步文星坊內廢久址存

坊表

坊表之樹著意也著地也著德也著名也治左右之

表以意稠川甲邑諸坊以地顏駱宗王及幽貞之表

以德卿才發軔世科以下諸表以名其遵道諸坊經

廢者萬曆丙申原志備載後此經志削之易以新坊

頗錯互茲稍次之而附廢坊於後舊志次鄉隅今依

類附署廨

節愛坊 縣治左康熙二十八年重建舊名承流崇禎十一年名正巳

廉平坊 縣治右重建同舊名宣化崇禎十一年名親民

稠川甲邑坊

越右通都坊

葵躔古縣坊

孝烏古治坊

縣治南康熙二十八年建

文武忠孝之邦坊

一航慈溪一善

稠關坊

三里坊以上

龍門坊

振綱坊

蕭紀坊

以上分司前

卿才發軔坊

為前令汪大司馬南溟先生道昆表也

靜大夫才石樓百尺祠

孝德感烏坊

東門外三里表秦孝子顏

先生也 熊人霖詩秦時孝蹟表烏傷過客停車拜道旁却問秦皇封禪處烏啼殘碣臥斜陽

唐傑流風坊

建九都表初唐文傑駱武功賓王也五

高去天三百駱子才登第一峯草 熊人霖詩武功

忠簡里

為宋宗澤

忠文故里

為王禕以上崇禎十一年立

忠賢坊

縣治西為王禕主紳王文立

世科坊

為龔永吉陳舉吳大用吳福立

褒孝坊

為龔曇立

湖清坊

為狀元王龍澤立

從善坊

為旂眼朱質立

文星坊

縣西為楊氏立

孝行坊

為樓蘊樓斗南樓楷立

旌異坊

為謝愷立

登雲坊

為陶永成馮大綱吳大用葉思銘立

都憲坊

為虞守愚吳百朋立

繡衣坊

為虞守隨吳百朋立

提獎坊

為劉安立

雄飛坊

為大理寺丞李鶴鳴立

清應坊

為毛一松立

登俊坊

為朱擘立

松雲坊

為俞道英樓文昌立

義烏縣志

卷之三

坊刻

三

賓興坊 為金福立

登第坊 為虞能立

晝錦坊 為吳彰立

經魁坊 為趙勝立

亞魁坊 為虞文詡立

應芝坊 為虞仲恭立

進士坊 為虞守愚虞守隨虞概金世俊金德義祠前立

鵬霄振翼坊 為樓鎮立

尚書坊 為虞復立

天臺上卿坊 為吳百朋立

會魁坊 為朱湘立

經筵同侍坊 為給事虞德燧御史虞懷忠立

殿中執法坊 為御史龔一清立 重沐恩光坊 為龔印可立

天官坊 為誥贈金文亮吏部四司郎中金世俊立

孝義坊 為朱叔誠立

尚義坊 為吳...

三世部堂 為吳瀾吳瓊立以上三坊竝在吳大園

完節坊 為黃承洙妻李氏立

廢坊表

遵道坊

興文坊

里仁坊

金麟坊

明德坊

澄清坊

拱辰坊 以上俱縣治東今廢

新民坊

崇儒坊

阜道坊

義烏縣志

卷之三

坊表

迎恩坊

通靈坊

湖山坊

四牌坊

縣前為歷代名賢立今廢

橋渡

夏令周官言杠梁之務象動天根工成水涸事若織
璫顧孟氏譏鄭小而單子卜陳亾譚王政者奚得忽
而不講邑東統大江滙衆流以入婺其間橋梁舟渡
所在而有而廣濟一橋遞毀遞興亦工之不可廢者

至前鄉津隘類多民渡每春夏川源暴漲篙人乘急
以索金錢亦宜設法以慰望洋舊志次山川茲以事
屬興作改從營立

橋

劉公橋縣東六十步東陽門外
管婆橋縣南五十步碧波橋新吳橋水道所會
臨清橋分司前知縣劉同建
文昌橋縣西八十步知縣劉錫文建後廢知縣汪道
昆改建縣西七十步知縣王廷會重新

野鴨橋縣北一百八十里湖塘之北渠上

興濟橋即東江橋縣東三里在東江入東陽大路舊

有浮橋宋慶元三年知縣薛揚祖更造石橋號薛公

橋嘉定二年知縣施寅重建淳祐五年知縣趙圓卿

作新橋易今名邑人虞復記

按春秋書法延廐言新有舊也三軍言作為之

也雉門兩觀言新作裁而更為之吾邑之東江故有石橋圯而更為之將單言新其績不止於脩舊直曰作則非創為之也竊取二義兼言之其可橋始成於慶元初載淳祐壬寅秋七月甚雨三日夜不止水冒平地幾丈橋反在水下人不見其壞本落惟址僅存邑人驚歎曰不復有此橋矣當始創時浮屠有居盧其旁募緣以聚財至是其徒惟幾欲踵成之計宋君元龍自尚書左司郎歸繡湖上惟幾謁曰

一言以與此橋宋君謝焉又屬之子予曰吾家萬山中是謀非吾所能及必宋君乃有濟一日請君道其故君曰是邑政之大端鄉非薛令之賢且才雖百有居奚益今令窘催科不暇給吾黨祇費言耳今獨念五十年間民恃橋無厄於水今壞屬爾已有不免焉者事問當為成否委之數可也然而惟幾東西馳走應者絕希繆悠再期綿絕一二力殫策盡而績於成之日茫如也乙巳冬十月趙侯回卿來侯才行通敏勇于為義居公何縣網整整朱君乃始約予合辭以言侯唯然曰吾責也抑凡執藝事於官府者率費駭而功竄必得一二賢士友如家事董治之勿使吏與苟有涉于有司者則件日以達于令令當施行之惟謹眾推周君勇樓君晏二君科日仕宦期雖已薄莫敢辭日暴飯以往既而樓君問塗又得其兄曇繼之始則博詢利病孰宜因革或謂前創稍庫故水壅而壅於是增築其址視舊崇六尺或謂鄉也腹沙而背擊故易潰於是實之土而覆以石其命羣匠也分地賦役配以丁壯殊厥志號雲集而不亂期以旬日而

成里中有老練世故者方病晚來信俄而智巧捷出不愆于素殆以神物夜半駕天河而人不知也當橋之中作屋五楹以待乘駟馬車而過者得以駐覽焉又立東西二門直西岸作閣二間樓僧伽其上凡可以增壯觀而壽此橋者無不為也嗟呼斯役鉅矣其成也豈非數哉然必待其人而後成君子不謂數也是役也用人之力踰四萬靡錢凡百萬粟千石有奇市村募役不使人有毫髮不滿意然亦不虛擲一錢也方紹慶間號為東南極盛之時世道寬廣比屋豐實有居一野衲耳叩人之門靡不傾倒近歲富家大姓往往散落人情類多較計纖微間擁厚資亦相視澀縮至煩邑大夫作禮脩辭鄭重諭勉吾黨有相與求助于鄰壤之賢者而後集事豈趙侯之用力視薛侯為多又世變之可慨者橋始未有名民德薛侯以其姓呼之今民于趙侯德之甚請以趙易薛侯雅不欲掩前人功朱乃諗于衆曰昔柳子厚記興州導江之績及乎杠梁之成嘗以興工濟物歸美其為州者今二侯之為邑實皆似之扁以興濟若何衆曰唯朱

君遂顧謂余曰吾既名之矣子盍為之記
元大德五
余乃辭不獲用并書其始相與謀者如此

年僧永識修皇慶元年達魯花赤木薛飛為浮梁泰
定二年僧文中募作石橋於故址西八步兩岸皆有
石堤中疊石為七整橋長四十二丈僧智宏募為屋
覆之其南二整水激而什達魯花赤亦璘真重修明
洪武五年南隄及二整毀於水至十五年主簿聶用
和修如舊後南二整累為暴水所圯僧志洪深遠相
繼修完永樂間為水激壞正統三年縣丞劉傑捐俸
倡民擇石為整正統六年知縣劉同勸民助資完之

成化九年改卷石洞橋

東陽盧孟涵獨任其勞

十二年洪水衝

壞十六年同知李珍董建

復勸盧孟涵盧孟實協力重建

十七年暴

漲衝塌十八年知縣齊溥勸義民吳希仁捐資倡義

南築石堤重建橋梁構屋建亭其上改名廣濟橋邑

人王汝記

廣濟橋在義烏縣治東三里其江曰東江江之水發源東陽山中至是則衆流會合

其勢滋大西去二百五十里乃折而東入錢塘趨海每歲春夏水長則泛溢暴悍不容篙艫及秋冬水落則淵潭無底又不可厲揭適當孔道遠近往來于此者旦暮絡繹此橋所以不可一日不作也按郡志舊有浮梁宋慶元間縣令薛揚祖更爲石橋後繼爲令者若施寅若趙圓卿皆重造焉終不免於壞逮有元又復爲浮梁者以濟覽時泰定初里人金文中始於故址之西入步疊石爲垣架木爲梁且覆以屋未幾

墜其南之二頓洪武壬子主簿聶用和重修之歲久頽亦圯正統癸亥縣丞劉傑擇石爲頓甚堅固東架木卽去任成化癸巳東陽邑人盧孟涵又拆其每頓之半改爲捲石洞橋所費財力甚鉅閱五載亦爲暴漲衝塌又後二載爲成化辛丑元城齊侯溥以鄉進士起家來作宰視篆之明年巡于江上偶見沙磧有因渡而死者咨嗟久之乃曰是責誠在我也翼日遂命匠氏伐石于山取其堅者採木於林擇其長者用力於民役其里中在官者視北隄尚無恙則仍其舊南隄則系石爲岸以遏水怒修一百三十尺崇與頓等中爲頓凡七每頓用其舊之少半而增三之二其狀東則小攢而剡其上西則自下而上皆正方崇四寸有五尺廣二十有四尺頓之上疊木六重高出頓上又八尺貫以木梁木之上布厚板被以韃修四百者二亭之外爲階級升降之道各爲亭者一亭東面爲神祠凡屋之兩旁翼以板以禦風雨每間虛其上爲檻以供眺望前後所費錢二萬五千有奇用粟二

千八百斛經始於成化十九年三月一日時縣丞六安劉君副主簿晉之隼君章典史泰之呂君祥皆同心并慮殫其程督之勤凡所部吏民靡不爭先趨事故材易聚工易集而事易成遂告畢於是歲八月十六日侯率諸寮屬以落焉乃革去舊題榜之曰廣濟由是往來之人如履平地無復患徒涉而憂漂沒矣但仰而視則甍聳於上俯而臨則水逝于下又倚而眺則東陽之雙峴金華之芙蓉若拱揖左右靡不懽忻歌呼以頌齊侯之德能利及於物也有如是夫邑之耆老舉以此盛事不可不刻諸石乃相率徵予文以記予惟先王之政凡橋梁廬舍之事皆有經制我高皇帝法古為治又著為令以示羣有司奈何世之長民者往往忽于此而不加之意惡在其為政哉元虞文靖公嘗曰善為政者當為其所不可不為若齊侯此役蓋不可不為者且經營有方而民不知勞用度有節而財不妄費造作有法而事可經久非善於為政能爾哉况其平日以勤慎自持誠不可不書也予不佞乃直書其事與前此興廢備記焉庸告後之

君子凡可以壽乎斯橋者尙益用其心以圖之

弘治十五年知縣呂盛勸義

士吳希彩黃子宣虞子盛捐修嘉靖八年大水壞者

過半十四年築整建橋

東陽趙模趙幹兄弟倡義為之

越二年毀知

縣方介董修

命幹重修

踰二紀餘橋復朽壞四十五年侍

郎吳百朋捐修隆慶五年橋屋壞知縣歐陽柏修萬

曆七年舉人吳大纘重整石整萬曆二十三年整頗

傾頽梁版朽壞知縣周士英命吳彥清虞學鳳虞大

常虞懋徽悉新之

周士英記邑東之三里兩溪渚涯之間巋然有梁跨而浮焉是為東

江橋杭魏阜之重阻扼龍潭之上流砥柱輿區經途

也勢衝則基難鞏歲久則木難支工大則役難舉宋
慶元以前上哉復乎靡得而記已迨我明興成化間
邑宰齊君溥大加營飭尋復圯已弘治之庚申李君
文郁復增修之輒又圯水閱人而成川橋閱人而成
梁亦當世得失之林也余自履任再蜡謹守管鑰一
意與民休息不敢以一番鋪一礪鍛遺邑父老憂然
每遇斯橋則仰而歎曰諺有之曰些小不補直至尺
五是橋也不如蚤為之所毋使傾覆難圖也會參
政虞君鄉進士吳君謀所以構之請得而從事焉余
日唯唯是小借民力而大裨之永永余敢以自諉則
亟下令趨二氏庀役即工民乃大來欣然捐已貲殫
心力以共若役已乃撤朽剜蝕植頽築虛虹梁臥衝
隍塹縈輪士女佇貽工賈駢坵則相與竊指而言曰
丘陵成而獸往矣大水深淵成而魚鼈安矣松柏成
而塗之人廕矣我儕小人重蘭狎至其幸馮此橋而
川者陸軌者寧誰之賜也則此兩都父老之所遺也
或曰民未知義未生其共是橋也發縱指示則縉紳
先生之力也或曰道旁之築眾為政蔑以濟矣是橋


也事作省城則邑大夫之命也余聞而矍然起
自失焉方令公私力詘齋藏愕然縣官無能出肺
之錢以佐興作至舉一邑之公後而勤我父老且以
獨勤我二氏之父老衆謂令何然令欲佚民而民勞
欲簡民而民費非有發徵期會而舉木者操番者引
斥而執斧者邪苛聲聞工備踵接不五旬而事告竣
何落成若斯之易也儻所謂富而好行其德者非邪
昔太史公稱素封者居一歲種之以穀十歲樹之以
木百歲聚之以德二氏故為城東望族而率能推先
世之所餘以營一邑之所利賴蓋有足多者焉夫世
有濟一人利一物者猶必食報於天而况橋之所焉
俟者衆乎歸休乎二三子穀木之獲利淺而德之獲
利大異也者尸祝于鄉而克世於後也則橋其左券
也楚橋也凡役夫若干用木石若干費民財若干余
因諸父老之請而備列於石非以耀成事也以示後
之志橋者有政也系之以辭曰皇皇赤縣婺墟是域
廬葺星羅襟帶川澤日惟東江以滙以瀉爰茲建橋
縮轂其口木陸共道鱗集輻輳亦越多年梁木頽朽

我來茲上載績豐功猗歟二姓捐貲克從庶幾于來
匪怒惟其僉曰休哉穹窿覆宇形聳飛棟勢超浮柱
惠露霑氓仁風扇庶千里誦義四境歌舞敢告後人
勗哉繩武虞德燧記東江當越婺孔道四方輻輳
蓋襟喉地云其流奔突駛悍霍潦暴溢瀕瀾漫勢
不可揭鴈初為浮橋宋慶元間更以石尋圯於水淳
祐五年邑大夫趙公圓卿新之易其名曰慶濟兼置
吏部公復記可攷也歷元追我明興遊地遞務維時
或佐貲官帑或徵輸間藏是用應續四方賴焉夫何
闕歲彌遠風雨剝齧頽頹程枕不往足行李維來
嗚路憐慄如蹈隍壘邑大夫周公每遊而歎曰嗚呼
下邑奈何其以涉病四方也即吾不以乘輿奉清
惠龍火歲見除道成梁夫非余責哉願公家董董
勢不能不脫民財力以成邊巡者良久既而回封
在邑終不可諉有其舉之勳歟乃指俸立碑示
民趨事余偕吳春元直節節用愛民邑大夫夫之
仁也効力佐公晉士民之義也願歸而謀諸父
二氏乎翁效義以奉揚仁意可乎公又歎曰時

曩奈何以一邑事獨煩二姓然是惟不獲已之役藉
倡義以先事其濟哉第吾不忍傷民財力俾二氏費
於率作謂此心何吾欲命而父老猶逡巡也二氏父
老聞之益感羣相謂曰邑大夫不欲以土木敝民諄
諄噢咻意念至矣是役其可已乎昔我先人虞子盛
吳希彩曾致力於是吾儕宜亟修以毋負邑大夫以
母墮先績即他族戶殷者力贍者非乏必需而讓拔
而擾其若大夫愛養吾儕暨吾儕効義分何用是迺
庀材鳩工撤朽植頽覆堤以梁覆梁以甍計崇若干
廣若干為楹若干笏翼以欄視昔如虔矣人免濱險
帖危休心戒目之苦僉頌周公利濟之德不衰豈吾
二氏之能由邑大夫惜民力民自不愛其力節民財
民自不吝其財儻所稱上好仁而下好義者非邪橋
成而周公誌之意有遜焉余謂天下事有因人而重
者萬安橋成於蔡君謨英市橋記于蘓子瞻迄今二
橋賴二公名並傳不朽以公德望而誌斯橋吾固知
是橋不朽矣公之政恤災軫困而廢興墜舉大氏皆
是類人人能口之觀風者行當採而獻焉竝不具論

論其所以成橋者如此周公名士莫號惺我壬辰進
士若縣倅郭君縣尉黃君咸與共事適觀厥成宜并
書
天啓七年知縣鄭極祥修 邑人吳之器記
治東道實赤城吳寧縮穀必涉江江流漲不時初為
浮梁永樂間始為巨梁而廈其上繼煨蕩曆中晉江
子環張公葺而顏之曰平政歲壬子有使者夜過侯
火勿戒再煨後遂圯無什一存者天啓乙丑鄭侯來
受事每有行過之輒心動會歲課嚴卽鬼薪城且諸
蹟緩悉索應當事急計無所出丁卯春邑父老以公
旬謂侯告之故且人授之籍俾以意競勸而奏其事
于諸臺既得請是年夏廼鳩工凡若干楹大約費漢
緡錢千五百緡有奇徵材肯構視曩加鞏訖秋落之
而諸父老請文其事侯謝不敏則咸曰邑之有茲梁
負者戴者駕者徒者于旄者朝夕馳騫乎其間鮮有
問其建置而德之者繼而煨且圯始相視而瞿瞿
不望其旦暮復者已煨且圯逾紀而過焉者徒相
莫能圖蓋幾幾于病涉矣則鮮不感且歎者今幸

侯之仁得返其故蓋勞者渴行者思鮮不喜極而歌
者夫唐香山氏宋永叔子瞻氏其所之國有役焉必
文之然其民靡有始而望既而歎終而喜者茲役也
其興廢利病之故民實有樂于中焉是烏可以不文
侯日勞苦父老固也役成而邑賴之然以其力謀其
利告成事而已而余何知焉會客有過侯者聞父老
之請而躓之因告侯曰昇哉明府得毋易視茲役乎
哉夫政靡宏纖易視之必疵譬之治百畝然俶載而
易之其耨芟必不力其實必耗卽勿耗必不穎粟既
登之場而猶易之則再歲之播必無功故必難之然
事未有端而遽難之則生畏畏則廢故不如難之於
告成夫世之君子之於役也非不諗利之當與與之
當已在顧其始或難之難之則多端而撓成姑以
諸後借母難焉及臻厥成又以爲不急而終易之嗣
有他必生避就而不能以赴功夫樹材於原種鱗於
沼事非不易也然當其慮始恒以爲不急暨其林
焉有有焉不能難之而斤與畧日相尋其不童且涸
焉者幾希矣故日觀成者不可以易易之則政必疵



且明府不聞漢翟氏事乎汝南有鴻隙陂翟氏為相
奏廢之後郡枯旱追怨翟氏而謠之曰壞陂誰翟子
威飯我且食羹芋魁反乎覆陂當復誰言者兩黃鶴
嗟乎此一陂之興復而假制明神以與生爭嚮其利
者為有德民各有心明府其安辭侯曰善余而知所
以為政矣遂屬之器記其語而系之以銘其辭曰維
邑巖巖濟川為梁經始之德江流并長有與必廢有
廢斯復匪坎匪棘以似以續學山崇實築室潰成先
民有言我用是程役車匪勞柔
土匪暇觀役知政庶幾夙夜
崇禎十二年衿士以
舊楹就圯木版將朽且為邑上游過高非制僉議徹
朽楹版以石十三年知縣熊人霖倡捐暨吳虞金陳
李各大姓助貲并為木闌翼之因歲首迎春於此取
杜必簡梅柳渡江春之句顏曰渡春橋

邑 乾隆九年知縣于漣修十三年邑寇紛嘯冬都統

吳 率師由府趨暨陽取道烏邑邑寇駭而奔至橋

南毀橋自固大師逐之斬獲無算橋且廢二十四年

知縣辛國隆捐市巨木為梁上覆以版又慮歲久必

傾置田續葺復命橋右菴僧立籍募之欲改版為石

未之能 教諭吳觀垣記出邑東里江曰東江

江橋也按邑志自宋慶元設前為浮橋邑令薛揚祖
始更以石後令是邑者踵事增修構檻架亭人不一
制然其最著者自薛合而事若宋施寅趙圓卿明齊
溥張維樞周士英諸公卓卓可道者也明崇禎庚辰
歲邑侯伯甘熊公以舊楹就圯版亦將毀乃悉屏去
屋宇改為平橋覆以石而翼以欄易名曰渡春雖于

義烏縣志 卷之三 橋渡

舊制盡更而行李絡繹亦甚便之迨
國家定鼎以來垂五十載自繼熊侯而令茲者未聞有
事于修葺豈果橋之完固無恙邪抑令之未暇謀邪
康熙乙卯遼左辛公來令茲土越十年政和人安乃
捐俸若干倡義修之起于乙丑孟冬之朔鳩工庀材
新其南之二整架以木柵鋪以重版于十二月之望
觀成民無顛溺賴以永寧或謂公之令於烏也蓋十
期於此矣公今以政最擢知沔陽州以去而民之免
于傾溺者實惟公之賜雖然母乃疑於緩與余曰否
溯自甲寅乙卯以來閩海陸梁浙東諸郡若巖發衝
台萑苻奸宄蝟毛而起當此之時烏邑之人民廬舍
其銷殘蹂躪于兵火者蓋無幾餘矣自公下車以來
墟市蕪井聚而為村邑悍夫暴客化而為齊民幼者
壯老者安養生送死與民休息而不知有令之擾計
十年之中凡有廢墮無不酌其緩急而先後具舉其
大者尤在加意斯文振興學校輪奐規模彰彰在人
耳目而橋工修葺特百廢具舉之一也人見之者若
以為日不暇給而公優然為之揆其志願尙未存已

木塘共字九十號田三石及二都往字一千九百六
十號田八十貽于公家以輸賦之餘積為修橋之費
則澄惠之澤留於無窮誠有宋迄明以來薛趙諸君
子所不逮也其為不朽孰加焉橋修四百二十尺廣
二十二尺高四十五尺用銀三百金登者行者咸頌
公德諸生董事者咸來乞余文以為記余惟與公相
接三年而知公之教養有如此則斯橋之役誠不可
以不書也公諱國隆字敬齋遼左人董其事者為陳
祥發李培美黃大呂毛岳樓元斐五生云康熙丙寅
五月義烏縣儒學署教諭事舉人武林吳觀垣撰
邑人金以琳記三辛公政成之十年以琳日縣治
成矣學官飭矣急務其在東江橋乎我聞國家疆理
天下冬官之制垂範至今而有司多置不講豈以惠
民之政於此猶病其少哉視民饑猶已後民窮猶
已溺此兩廢事也公毅然曰是吾事也當富方行之
遂捐俸以得伐石輸材取日與工於菴政之餘親行
董視而擊之祀者崇之梁之斷者易之直欄柵鋪版
義烏縣志 卷之三 橋渡

而子以坦途厥功懋益公以純誠則世之
事如已事故即薛施趙劉諸令之殷
思有以乘其功於凡木石等鐵匠工
以公費勿以責諸民不決成而告成
矣將進此而作舟楫霖雨登海宇於
為左券云知縣熊人霖東江渡春詩
赤城霞村莊帖就樓雙燕驛使書來
光臨馬首散分雨露與桑麻○按是
從九年嘉靖十四年下從丙申原志
本

鮎溪橋縣東五里入東陽大路

均濟橋縣東二十三里其流西至縣郭北至酥溪南

繡川橋縣南一里

登瀛橋縣治南一里許舊名南井元至正五年建明

洪武三十三年知縣吳佑命李承理龔叔寧重建正

統間洪水衝塌九年知縣劉同命趙仲芳修築改今

名

洋灘橋縣南十五里入雙林明義諸鄉

峴溪橋縣南三十里入明義鄉通永康界久廢元時

邑人丁一澄重建

義烏縣志

卷之三 橋渡

三

野墅橋縣南二十五里通東陽界

光明橋縣南三十五里自倍磊通金華界

三版橋縣西四十五步一去縣西四十五里根溪入金華界

新吳橋縣治西五十步市心中宋淳熙四年縣丞吳沃創建下置牘節繡湖塘水後圯崇禎九年重建

國朝康熙十年耆民孟六卿重建十三年秋王師復城山寇尙熾縣無城斷橋以禦寇平後知縣辛國隆甃石節之

湖西新橋縣西二里

協恭橋縣西五里松門里龔廷用等建

霸亭橋縣西十三里入府城大路

會善橋縣西十五里

官溝橋縣西二十里知縣劉同建舊名何十婆

彭三橋縣西二十五里相傳昔有彭氏三女子造

梅溪前橋縣西二十五里樓暹孫樓棟建

香山橋縣西二十五里原通金華浦江界

義亭橋縣西三十里入府城大路

裏方橋縣西三十里後改步雲

梅溪後橋縣西三十五里邑人何伯祥建樓文昌修東梁樓安後人重建石橋

天溪橋縣西三十五里披雲寺左

航慈橋縣西四十里入金華界

葛辭橋縣北十八里入浦江路

洪巡橋縣北二十里入浦江路

石斛橋縣北三十里副使方元建廢久泮塘民朱守約捐金倡衆重建

唐公酬橋縣北四十里入諸暨大路

盤溪橋縣東北二十三里上通台温路

酥溪橋縣東北三十里至元四年建入諸暨大路

彭城橋縣東北三十五里

迎春橋舊名八里縣東北三十里

查林橋縣東北四十里入諸暨路

泗洲橋縣東北五十里入諸暨大路

繡津橋縣西南三里知縣熊人霖造

西江橋縣西南四里半爲邑下流關鎖舊在射堂尚

明崇禎十一年知縣熊人霖徙建并遷學左文昌閣

鎮之立昔渡禪林守之邑翰林虞國鎮記溯錢唐而東郡邑碁置厥治蓋多在山

水間云其與山相屬者巖什七而水得什三水道山

而出勢若瓶建深湍巨瀨白石齒齒每春夏連澍蹙

跳盪射澎湃吞嚙若與地爭咫尺不得怒而鬪者而其

山多附溪逶迤分馳數十里乃若揖若拜若井陘

之口無所不縮轂蓋剛柔之所會陰陽之所和也乃

厥經川中流兩厓相望欲接者宜為梁凡梁必居邑

所臨大溪東受吳寧諸水奔瀉抵邑境南若帶遶而

西三里而峽束之而峽石斗入水而東若抱而繡湖

之水從峽背遶而會於川繡湖水于是為吐云吐之

外又有山曰礮山峽石斗入水而東若抱蓋吳寧水

與繡湖水至是若襟之合矣礮山之南岸則天馬之

支山展其趾遙與礮山對水中石骨隆起自北而南

廣丈有尋蓋自然之門戶云先是萬曆中主督欽於

其又西一里釣魚磯為梁或病其遠不便往來者
二三樵夫欲梁近市朝夕得利涉焉遂請梁於射虎
南不得已從之梁正衝于邑治之前若摧胸而在繡
湖上游又於泮宮作扼吭襟抱虧疏風氣滲洩邑之
人文居積漸不及維昔又梁址當潭暴漲輒圯屢圯
屢修庸力歲歲靡休公私病之然循往徃成莫能誰
何垂三十餘年矣歲在戊寅之秋邑侯豫章熊公始
視事疇咨與人博謀利害洪纖遠邇罕不殫悉父老
始有以茲咎其告者侯乃周行近甸浮游覽觀降原
陟巘至於再三愾然良久曰夫地利人和交相成也
譬之考室必戶鍵之今不鍵于戶而鍵于奧奚益哉
急召役夫徙之減馬捐薪以為經費不閱歲竣役以
繩度之凡去舊趾九百武而止于是邑中諸山水咸
大和會攷諸形家言於法農商之業當漸饒沃而隸
泮宮者當以文詞起家有名於世云邑人大歡愚智
咸允載德歌仁踵謀於余揆次厥事以示有永侯名
人霖字伯廿西江之進賢人登崇禎丁丑進士其為
人廓落大度明信篤淵文章言語妙天下天下無不

知西江有大熊公小熊公者蓋侯為大司馬壇石公
之合于大司馬舊嘗命一湖之長興著循良聲上計
稱東南第一薦歷諫省卿寺擢九列為一代宗臣而
長興人至今尤思之不衰侯之為治精敏傑出雖天
性則然抑亦泄于家學者素也邑之東故有橋曰東
江橋今橋猶是江也而在邑之西其稱名也順余因
名之曰西江橋且以識為西江熊公作也士民之沾
溉厥澤豈特挽西江之水而活涸鮒哉系之以詩其
詞曰維石巖巖溪流湯湯厥形張弓遶郭圍疆隕沙
徙岸呀呷靡常前人虞之始創修梁厥梁之興謀始
匪臧如以完珪離為判璋如以梯衝舞于堂皇農務
維螟士管則狂山童澤潤儲散居荒熊侯莅止蔽陰
不祥虹舒霓移爰正厥方寫材藏制櫟斲用良截陰
橫鶩包野雄驥丸封函谷鑰閉隆堂神工克就遠
役鵲鞭石填滄濟川卿才世濟有光西江之橋維
案 知縣熊人霖記凡天下地勢澤國貴山山
貴川眠厥鍾美都聚乃址故浙江源浙嶺貴山山

知邑往若瓶建川上乃義烏宅金華上游地勢其
高山巖澤縮獨稠川源于東陽控于鷄鳴經於東江
而南抱於天馬邑滙厥秀辨方正位環邑若帶繡水
在漢中之麓離峙兩溪石齒齒隱水底若天官閣道星
此地建橋弗果行者以筏迄萬曆中採樵者浮竹為
梁于石堂南直縣門後主者因之伐石曾累馬直水
急流湯湯岸善圯復衝突縣治不利形家言邑之老
人曰自浮橋造也人文財用不如時且水激齧岸數
漂民田廬君子憂之時詘未舉丁丑夏大水浮橋不
沈者三版行者病涉戊寅秋八月熊子至喟然曰周
禮體國必先經野司徒測土深稻人掌瀦洩雍氏掌
溝瀆滄池之禁司險知川澤之阻而以橋梁達其道
路小臣司邑敢不謀于野乃浮於川乃觀于原乃陟
于巘既審于地乃詢于黃髮乃咨于多士旁及庶民
僉曰惟使君視地審我人謨惟協梁礮山之麓計甚
便予乃悉索俸入竝金矢之餘鳩匠因舊石十之三

伐新石十之七而址因于山石斗入水者有基無壞
刊選用良厥修二十丈高可通五丈舟有無化居距
厥湍悍兩涘連山兩川砥柱水土演民用服風氣完
聚文明以止邑老太司空金公太史虞公曰是宜名
為西江橋蓋山國貴川稠川之為稠江也久而稠上
游三里故稱東江自東自西陰陽之所蘇也我梁既
成有夷之行叟譎童舞負戴相錯載驂載駟君子攸
屆旨而易之利涉大川利有攸往梁因山勢防因地
勢洚水不警原田每每且溉且沃長我禾黍旨在詩
之實歎實壑我疆我理稠水東繡水西左之右之雲
氣沃盪泉流既清風行水上旨在傳之秀氣為人知
者樂水乃告成于巡撫熊公巡按喬公王公巡鹽梁
公水利道姚公守道朱公宋公巡道李公本府吳公
理刑衛公咸樂觀厥成又立傑閣以鎮之營精舍以
守之為可久計是舉也在天之辰紀地之宜夫不煩
里役不踰載余其敢自庸亦曰修理橋梁合甲俱
小臣司邑敢忘乃職敢不對揚我天子修飾遠猷
秋之法恒事不書根見成梁政之大恒

士民僉謨孔臧仰余受成而民晏如宜紀石章諸父
老士民休乃勒銘銘曰天漢垂光江星章閣道蒼
蒼負麗關梁天馬律賦瑤山之陽連山石鏡灑氣歸
藏以聚以防爰理爰疆調餘陰陽象謀尤城三才斂
詳蕩蕩周行思樂西江保我邦城關樓閣鵲風
詩爾水西來合嶺岸難鳴山翠擁城關樓閣鵲風
光麗橋捲虹霓氣色新憑檻橫欄永夏隔江梅柳
渡陽春臣心只有荷如水若濟今誰責身燕人
霖文昌閣序天官書斗魁數管六星曰文昌官一曰
上將二曰次將三曰貴相四曰司命五曰司中六曰
司祿文耀鉤曰文昌官為天麻孝經授神契曰文昌
精所聚昌者揚天紀精攝並居以成天象故曰文昌
宮春秋元命包曰上將建威武次將正左右貴相
文精司祿賞功進士司命主災咎司中主左理在天
成象文明以啓華章未紀何物而司中主左理在天
準醜頰或曰姓張名亞字仲子仲詩所稱張仲孝友
也或曰梓童之神司梓名籍曰吾一十七世馬士大
夫未嘗武健嚴肅一功一人張人更濟人急謀人

危容人過... 哉夫吉星之精... 于股帝王... 比于列星... 正百神... 臣明... 可也... 雖與... 大... 文... 之... 作... 渺... 分... 龍... 水... 歸... 擊... 又... 邦... 人... 建... 危... 閣... 神... 之... 休... 明... 哉... 煉... 頌... 投... 歌... 雅... 合...

神... 禪... 其... 老... 斯... 其... 依... 三... 弗... 余... 師... 於... 若... 職... 惠... 利... 用... 厚... 生... 經... 之... 紀... 之... 道... 之... 相... 之... 匡... 之... 振... 之... 俾... 攸... 濟... 匪...

且有且將維是來咨來如無封靡于爾邦通道恤鄰
膏雨四國俾茲民罔不獲克奔澤乃攸濟普天之下
莫非王土王臣寔寒其口獨賢于大夫勉旃西方之
言普渡此物此志也夫惟君子不表異而軌于則余
日敬受教惟余有未知職思乃居惕惕若涉淵冰微
吾子教之罔攸濟服時嘉言作禪林銘銘日荷精水
布懷仁引度泉流既清乎平道路利涉為梁攸稅成
聚民之懌斯神秩斯神○按舊志文昌祠初在先師
廟西南卽梓潼七曲山靈應行祠舊傳科名之籍神
實司之故以祠附學貢舉廢祠亦弗存至元復開科
舉至正七年教官與邑人合力重建於舊學茂久復
廢永樂九年知縣任倫教諭胡春同捐俸同建正統
六年知縣劉同縣丞劉傑俱於舊學重建正德遷學
未有祠萬曆十九年教諭王時春創建儀門西崇禎
七年知縣許直移建學宮左
普渡禪林載寺觀序因橋附此
蔭龍橋縣西南三十里龍陂徐宗賢建

高橋縣西北十五里進士楊定建

景高橋縣西北十五里浦江孔道民素病涉崇禎十

三年知縣熊人霖攝捕事伐石四丈成之以利往來

演溪橋縣西北十五里

下巖橋縣西北十五里

五雲橋縣西北十五里

碧波橋縣西北一百步繡湖之曲舊名湖塘立

水插節水今廢十五里

渡

義烏縣志

卷之三

橋渡

三

東江渡縣東入東陽大路

孫村渡縣東二十五里入五都路

廣益渡舊為橋縣南三里地名下埠明萬曆七年邑

民龔來時捐造浮橋知縣范儁捐助完之十一年知

縣俞士章復命來時累石為三硤浮舟加葺如故後

舟損改高橋以鐵索攬木版而濟

邑人龔一清記出邑南郭折而東大

溪經焉曰通濟橋者下累石上覆屋規制宏固其來已久達吳寧天台諸巖邑介溪東上利涉已橋俯流而西可四里許土人呼曰下埠沿東及南此為要津人病涉每霖雨泛溢險危特甚往來小艇羣而濟間沒焉歲辛巳八月以一艇沒者人三十餘邑民龔來時從岸目擊不勝觸悼乃謀所以善是濟者捐家之

贏倡之命以勸助得銀穀貨木六十金餘造舟為浮梁凡一十六隻木橋一十三節下埠之有梁與通濟相望自來時始又別創二艇防巨漲撒梁而棹依梁屋南岸專數人時其不虞如是者數年涉若坦途丙戌梁壞於暴漲邑長俞侯謂是梁不可已也方歲禮而公帑大詘惕然弗寧出五十金屬來時來時周回相度若水衝當其衝為累石硤者三餘浮舟加葺如故是浮舟也凡二興事矣其始事來時晝夜立水中入告之曰得無腰生蛆乎來時特無恙及再事感激於侯之率作不憚暑濕猶始也膠苦腫朝夕弗懈竟潰於成王告竣而兩足病莫舉矣來時之力蚤竭向非侯加之意是終莫之濟也鼓來時之義以利眾涉於無窮甘棠蔽野茲來時歸澤於侯伐石示不朽屬不佞一清記之爰據實直書用規內之溝中而不知二十年知縣周士英歲給渡夫銀六兩增為政者

修之後水漲橋傾而形家高衝縣治改用渡

下埠渡縣南三里入雙林諸鄉今為廣益橋下

洋灘渡縣南十五里

盛家渡縣西二十里何家渡南

下朱渡縣東北十里

石碁渡縣東北二十里通東陽路

九里江渡縣西南九里入雙林鄉

何家渡縣西南二十里入府城大路

吳溪渡縣西南二十五里

義烏縣志卷之四

學校志

聖廟 儒學 社學 書院

廟學

府志云三代而下郡縣有學自漢文翁始有廟以祀孔子自唐太宗始然太牢之祀先聖之號則前此矣特至貞觀始行通祀逮宋慶曆而卽廟建學焉乃舊志學校次公署而先師廟首秩祀入經制考其志學校於儒學曰文廟儒學是學從廟矣於秩祀首先師廟而總序以封內山川社稷城隍神祇引端是秩祀

當屬山川社稷城隍諸神而通祀非一邑之祀則不
宜與諸神等茲從府志列先師廟并啓聖公祠及明
倫堂臥碑儒學箴碑敬一亭尊經閣于前而列教諭
訓導宅射圃學倉洎學田于後附以社學至名宦鄉
賢附祀典者亦改入焉其廟中位次陳設圖一依闕
里志

先師廟

廟在縣治西北一百八十步繡湖濱

卽稠州故址明正德十三年自

治北遷五間舊名大成殿明嘉靖九年改先師廟

東廡九間西廡九間

廟位

復聖顏子

述聖子思子

先賢閔子損

先賢冉子雍

先賢端木子賜

先賢仲子由

先賢卜子商

至聖先師孔子

宗聖會子

亞聖孟子

先賢冉子耕

先賢宰子予

先賢冉子求

先賢言子偃

先賢顓孫子師

四配位

帛

爵 爵 爵

和羹 和羹

脾所	芹菹	韭菹	稷	黍	形鹽	榛	白餅
豚肝	兔醢	醯醢	梁	稻	藁	菱	黑餅
筍菹	藟菹		棗	芡			
魚醢	鹿脯		栗	醢			

豕 羊

小燭 燭 香 燭 小燭

饌盤

獻官拜位東西各一壇

十哲位

爵

和羹

芹菹	芹菹	稷	黍	形鹽	栗
兔醢	鹿脯	黍肉	黍肉	鹿醢	鹿醢

小燭

小燭

饌盤

帛

獻爵

獻爵

獻爵

燭

香

燭

獻官拜位每廡三壇



按禮器先師位承帛以篚一承酒以爵二薦太羹以

登一薦和羹以釧二盛黍稷以簠二簋二盛鹽韭菹

等自嘉靖九年以籩豆二十闕禮志牛羊豕舊志羊

豕各一籩豆減四

四配每位篚一爵三登自嘉靖中去釧二餘同用羊

豕自景泰皆各一又曰添豕首舊志共用羊一豕一

登一簠一簋一籩六豆六

十哲每位篚爵鉶簠簋各一籩豆各四用豕肉舊志

共用帛二豕一

兩廡四位爵四篚簋各一籩豆各四用豕肉四舊志每廡共用帛一豕一合闔廟共用鹿一兔十

祭器載祭器庫下

樂舞明成化十二年用八佾嘉靖九年改六佾闕里

志有樂器圖執籥秉翟樂舞圖有迎神尊幣初獻亞

獻終獻徹饌送神望瘞諸曲

舊志祝辭 惟師德配天地道冠古今刪述六經垂

憲萬世謹以牲帛醴齊粢盛庶品祇奉舊章式陳明

薦以復聖顏子宗聖曾子述聖子思子亞聖孟子配

尚享其月朔釋菜諸禮儀並見儀注每祭共用銀二

十四兩四錢

按先師位舊於石座上無龕

國朝康熙二十四年教諭吳觀垣訓導董奕相捐置四

配十哲位無龕二十七年教諭丘克承捐置左右各

兩龕 供案久缺丘克承捐置共五張香爐燭臺五

副

二丁祭品向照額銀辦設康熙二十九年知縣王廷

曾每祭捐俸銀四兩俸以爲常

廟門三間

廡外舊名東門內舊名西門九年改今名五

門東更衣所二間

門 齋宿房二間 即致齋所舊志三間在明倫堂右後改祭器庫移此

外門 周垣三面 五十八丈康熙二十八年知縣王廷曾捐築

泮池 廟門前廣五十步深二丈上有石橋

櫺星門三座 門六

西石柱康熙二十九年六月為烈風所傾三十年重建左角小門二十八年劫建俱知縣王廷曾捐資

明倫堂五間 廟後

進德齋五間 堂東直下今日東膳房

修業堂五間 堂西直下今日西膳房康熙二十九年教諭丘克承訓導朱鳴謙捐修

舊志堂下迴廊每隅六間今無存

臥碑 堂東明洪武十三年禮部欽依出榜曉示郡邑學校生員為建言事理本部照得學校之

設本欲教民為善其良家子弟入學必志在薰陶德性以成賢人近年以來諸府州縣生員父母有失家教之方不以尊師學業為重保身惜行為先方知行文之意眇視師長把持有司恣行私事少有不從即以虛詞徑赴京師以惑聖聽或有暗地教唆他人為詞者有之似此之徒縱使學成文章後將何用况為人必不久同人世何也蓋先根殺身之禍於身豈有長生善修之道所以不得其善者事不為已而許人過失代人報仇排陷有司此志一行不至於殺身未知止也出榜之後良家子弟歸受父母之訓出聽師長之傳志在精通聖賢之道務必成賢外事雖人有干於已不為大害亦置之不忿固性含情以拘其心待道成而行行豈不賢人者歟所有

事理條列于後
一今後府州縣學生員若有大事干於家已者許

父兄弟姪具狀入官辨別若非大事含情忍性母輕至公門

一生員之家父母賢智者少愚癡者眾其父母賢智者子自外入必有家教之方子當受而無違斯

孝行矣何愁不賢者哉其父母愚癡者作為多非子既讀書得聖賢知覺雖不精通實愚癡父母之

幸獨生是子若父母欲行非為子自外入或就內知則當再三懇告雖父母不從致身將及死地必

欲告之使不陷父母於危亡斯孝行矣一軍民一切利病竝不許生員建言果有一切軍

民利病之事許當諺有司在野賢人有志壯士質朴農夫商賈技藝皆可言之諸人無阻當惟生員

不許一生員內有學優才瞻深明治體果治何經精通透徹年及三十願出任者許敷陳王道講論治化

述作文詞呈稟本學教官考其所作果通性理連僉其名具呈提調正官然後親齋赴京奉聞再行

面試如是真才實學不待選舉即時錄用

一為學之道自當尊敬先生凡有疑問及聽講皆須誠心聽受若先生講解未明亦當從容再問

母恃己長妄行辨難或置之不問有如此者終世不成

一為師長當體先賢之道竭忠教訓以導愚蒙勤考其課撫善懲惡毋致懈惰

一提調正官務要常加考校其有敦厚勤敏撫以進學懈怠不律愚頑狡詐以罪斥去使其學者為

良善斯為稱職矣

一在野賢人君子果能練達治體敷陳王道有關政治得失軍民利病者許赴所在有司告給文引

親齋赴京面奏如果可采即便施行不許坐家實封入遞

一前件事理仰一一講解如有不遵竝以違制論國朝順治間禮部題奉欽依刊立臥碑曉示生員扁懸

堂上朝廷建立學校選取生員免其丁糧厚以廩膳設學院

義高系示

卷之四

學校

七

學道學官以教之各衙門官以禮相待全要養成賢才以供

朝廷之用諸生皆當上報 國恩下立人品所有教條開列於後

一 生員之家父母賢智者子當受教父母愚魯或有非為者子既讀書明理當再三懇告使父母不陷於危亡

一 生員立志當學為忠臣清官書史所載忠清事蹟務須互相講究凡利國愛民之事更宜留心

一 生員居心忠厚正直讀書方有實用出仕必作良吏若心術邪刻讀書必無成就為官必取禍患行害人之事者往往自殺其身常宜思省

一 生員不可干求官長交結勢要希圖進身若果心善德全上天知之必加以福

一 生員當愛身忍性凡有司官衙門不可輕入即有切已之事止許家人代告不許干與他人詞訟他人亦不許牽連生員作證

一 為學當尊敬先生若講說皆須誠心聽受如有未明從容再問毋妄行辨難為師者亦當盡心教訓勿致怠惰

一 軍民一切利病不許生員上書陳言如有一言建白以違制論黜革治罪

一 生員不許糾黨多人立盟結社把持官府武斷鄉曲所作文字不許妄行刑刻違者聽提調官治罪

儒學箴碑 堂東明宣德年製萬曆六年五月立石

國朝仍存

君國子民教之育之有育無教或淪于迷置吏俾育建學俾教為教之方本乎師道清修實踐正學博聞成已成物師道用尊為學之方體仁由義誦法周孔亦致文藝化民成俗以善其鄉成德達材以資于邦本末循序用臻實效勗爾師生無忝學教

東禮門 堂下左

西禮門 堂下右

東角門 廟後左入堂

西角門 廟後右入堂

敬一亭一間 堂北左內豎明御製敬一箴及御註宋五箴碑石嘉靖初建萬曆六年重新

尊經閣五間 堂北嘉靖初建萬曆六年重新東西齋舍各五楹毀

饌堂九間 閣南庖漏倉具

號房十間 饌堂南舊四所二十八間久圯萬曆五年知縣范儒重建東西共十間久毀

射圃亭三間 號房東儒學圖載義路東訓導衙東北

祭器庫三間 舊在明倫堂東後改訓導衙以齋宿房爲之

銅香爐一 銅花瓶二

小銅香爐四 今存三內一壞

銅爵盃一百四十 內失二今可用者五十五餘壞

登六 銅二十八

盞一百四十 豆一百四十

簋三十二 以上順治初燬康熙二十三年

訓導董奕相捐置豆二百失十二三十年教諭丘克承捐置五十五訓導朱鳴謙捐置五十五共存二百九十八半代登盞諸器

俎桌四張 舊燬康熙九年教諭譚觀成捐置九張

石香爐四十

舊殿康熙二十四年教諭吳觀垣捐置二十

按祭器用銅鑄祖朱子邑嘉定中教授楊焯索圖考制鑄器數百舊志凡件五百四十九原缺明萬曆十四年教諭王汝源牒知縣俞士章各捐置崇禎十三年春知縣熊人霖捐委生員金世僑金漢獅修今復補置外

木燭臺二十副

康熙二十四年教諭吳觀垣捐置

神廚三間

毀

宰牲房三間

毀

啓聖公祠

祠在明倫堂右西禮門外之北三間前爲祠門

舊志載明

嘉靖二年知縣沈相建十五年通判汪昉二十八年知縣汪道昆四十二年知縣曹榮重建考在東禮門外今建土地祠所

國朝康熙二十二年知縣辛國隆教諭吳觀垣訓導董奕相 祀先師孔子父叔梁紇始明嘉靖九年用程敏

政議令天下學校各建祠稱啓聖公孔氏之位以顏

子曾子位廟中而顏子父路曾子父點在廡下孔鯉

孟孫氏無祭以之配享稱先賢某氏之位又以程子

父瑀朱子父松蔡子父元定從祀萬曆丙申進周子

父輔成稱先儒某氏之位

按祀始明嘉靖九年而祠已建於二年豈先有私祠

邪或誤載

啓聖公位

先賢曾氏
先賢孔氏
先儒周氏
先儒朱氏

先賢曾氏
先賢孫氏
先儒程氏
先儒蔡氏

置帛置爵案

啓聖位



讀祝案

四配位

爵

和羹

栗

鹿脯

小燭

形鹽

棗

獻爵

燭

黍

猪首

帛

獻爵

香

稷

猪首

小燭

饌盤

獻爵

燭

菁菹

鹿醢

菁菹

兔醢

四配位上六燭

獻香燭

與

麻亦麻門東之門

栗

鹿脯

對茲土而

尚享

形鹽

棗

小燭

獻爵

燭

黍

帛

獻爵

香

稷

小燭

饌盤

獻爵

燭

菁菹

鹿醢

菁菹

兔醢

舊以先丁一日行禮今舉行將有事於先師則先釋

菜祭品視十哲用羊一豕二帛三登一劔二簠簋各

一籩豆各六今悉照前圖每祭用銀五兩五錢五分

祝文 惟公誕生至聖為萬世王者之師功德顯著

茲因仲春秋特用致祭以顏氏曾氏伯魚氏孟孫氏配

尚享

名宦祠

祠在廟門東三間祀本縣宦茲土而有恩澤者

明知縣王允誠

張永誠

吳祐

李 玉

劉 同

五人舊祀

方 介

汪道昆

潘允哲

歐陽柏

四人明萬曆二

十四年

俞士章

見府志

周士英

朱顯文

二人二十四年

吳尚默

舊志不載

許尚直

熊人霖

二人

國朝康熙十一年申入

縣丞劉 傑

明萬曆二十四年

教諭王汝源

李 汰

二人二十四年

國朝知縣孫家棟

康熙十九年申入

祀用羊一豕一爵三帛一共用銀一兩八錢九分八

釐

祝文 諸公宦歷一方名垂百世澤及斯民遺思弗

替某等忝職茲邦景仰先哲今當仲春秋謹具牲醴庶

品用伸常祭尚饗

鄉賢祠

祠在廟門西三間祀本縣鄉先達之賢者即古鄉先

生沒而祀諸社之義

秦孝子顏

烏府志鄉賢居首

漢尚書楊

喬本府志

唐臨海丞駱賓王

明萬曆三十年申入

宋孝子樓

蘊

留守宗

澤

侍郎徐

僑

左司朱元龍

提刑康

植

名儒葉由庚

大儒黃中輔

萬曆二十二年申入

知府童必大

國朝順治十八年申入

元學士黃

潛

名儒朱震亨

孝逸王汝建

明崇禎十年申入

教諭馮友仁

三十年申入

崇儒金涓 萬曆十四年申入

明待制王禕 都給事中龔泰

侍講學士樓璉 崇禎十年申入 教諭陳中立

楊芾 博士王紳 府志舊志佚

孝子龔曇 府志舊志佚 儒士王稔 府志舊志佚

大理寺卿龔永吉 孝子陳文言 崇禎十年申入

中書舍人王汶 推官謝愷

尚書虞守愚 萬曆十四年申入 員外郎朱湘

刑部尚書吳百朋 二人萬曆三十年申入

參政虞德燧 崇禎十年申入 御史龔一清 天啓三年申入

訓導朱時雍 萬曆三十八年申入 教諭吳圭一

國朝康熙二十九年申入

國朝 贈給事中知縣金德義

總督河道兵部尚書朱之錫 二人順治八年申入

給事中金漢鼎 康熙十年申入

訓導胡之翰 十七年申入

祀同名宦 二祠不附載廟門者從祠類也

祝文 仰惟諸公挺生烏邑學有淵源宦歷先後忠

孝克全仰垂當世德啓後賢茲當仲春牲醴豆邁用

崇德業如日中天尚饗

二祠舊在櫺星門左右正德十四年知縣羅柏建隆慶四年知縣歐陽柏重建於儀門左舊射圃前總爲門出入 歐陽柏記邑之賢宦二祠廢弛久矣柏承乏以來奪於簿書弗暇修葺歲舉祀事臨風感慨祭法曰法施於民則祀之祭義曰祀先賢於西學茲諸君之生於斯仕於斯者固先賢也固有功吾民者也人方仰高風懷遺澤欲奠以椒漿而顧無其所焉咎將誰歸詢故址在櫺星門外咫尺曠野以故易於頽敝頃相度周遭惟儀門東偏有隙地一畝弗曠弗隘爰竝峙二祠於茲仍取曩時所嘗祀者祀焉宦五人賢十五人校圖考志其履歷行誼自有萬世不可磨滅之公論固無俟予之軒輊也第其間所稱爵卑者公無爵者亦公公首五爵今制廟祀前代追贈王公諸爵一切革除惟子者男子之通稱卽 至聖先師

亦子之况其他乎昔先達有言鄉賢有父子同祀一室者父南向子東西向以此推之先賢二龔父子也二王祖孫也祖孫父子同室而坐向弗辨可乎且自建治以迄今日千有數百年豪傑生於斯仕於斯所安守崇而尸祝之者得無有泯泯無聞而載籍所弗錄者歟則夫釐正位號以協典禮及續有所增入者庸有望於後之君子 邑人朱湘記國家創制凡官其土而有善政足以庇民者則祀之爲名宦祠凡生其土而有善行可以表民者則祀之爲鄉賢祠非徒示崇報也將使嗣其官後其生者有所觀感而興起也是以祠於學宮之內榮之聖賢之門牆非其人不得與焉厥祀亦重矣邑二祠故在櫺星門左右制極宏敞歲久榱桷傾頽丹黝剝落有司以繕修爲諱而市井無賴往往竊其摧朽莫之禁詰遂俱圯爲墟春公立棚而祭草率成禮過者咨嗟歲隆慶庚午潛江歐陽侯來視邑事庶政修明百廢漸舉每慨二祠之缺越明年夏遂出餘帑經始其事以故址通衢而曠乃度黌宮之左隙地一區竝建二祠於內擇鄉耆之



能而有行曰朱濟者使董其事不再月祠告成棟宇
竝峙粉黛錯施高軒廣牖朱櫺墨屏巖其垣工而彌
堅闢其前顧而豁焉於是邁豆簠簋之飾靡不畢具
夫以數十年不宇之祀一旦鼎新侯不請於上不徵
於民工就而人不知其所出使夫官是邑生是鄉者
望而起敬敬而思齊誠有所觀感而興起也則是邑
嘗有善政而鄉嘗有善俗也孰非侯之遺也侯之功
顧不偉哉祠各三楹南向繚以周垣不限其內總爲
門於右以時啓閉落成之日鄉人士喜而屬余言以
記之遂爲敘其事如此侯名柏江西泰和人隸籍湖
廣潛江登隆慶戊辰進士
今召入爲刑科給事中

儒學署

教諭衙 廟東禮門外義路東之北盡處見儒學圖居
尊經閣左舊志在尊經閣右右爲西誤其
有樓有聽事有東西廂爲間凡一十有二俱毀今
依見存識之

堂三間

敬一亭西

國朝順治十六年知縣郝麟生教諭徐弘彰移建
康熙三十年教諭丘克承重新扁曉傳堂

寓室五間

卽尊經閣衙室毀後居此 按閣
在他邑多廢縣至今存因寓加修

書室二間

曉傳堂西

廊房五間

尊經閣東側

衙門一架

曉傳堂下側

訓導衙

舊有二所一在教諭衙前之左曰東齋見儒
學圖毀一在教諭衙前之右曰西齋卽今新

建土地祠之北舊志云一在進德齋後卽此亦毀
今兩齋裁一移居祭器庫其舊同上依見存識之

堂三間

明倫堂東扁敬慎堂

書室一間 敬慎堂東

室三間 敬慎堂北

廊房三間 室東

庖舍二間 廊房東南

衙門一架 敬慎堂西側

國朝康熙二十二年訓導董奕相增新 董奕相記東齋在尊經閣東蓋舊址也其地踞稠山面繡湖四峯官環兩橋對峙高原古木可怡可愕難以名狀向之官茲齋者視如傳舍鮮有知其可樂遂使朽棟頽垣震凌風雨二十年來舊齋就廢會康熙十有四載

天子方圖治平首崇文教宇內學宮之齋復設其署舍已廢者咸令整飭時經兵燹之餘受事者未暇理

余來于此見其山水邃深對之樂甚然從門而入止圭竇也及堦見齋三楹側立於東形址既偏規制復陋寢舍三楹卑若蝸廬風雨且不蔽余為之興歎因相方庀材更置臥室添構旁舍增卑易腐扶歛就整不越月堂室成凡皆假子錢以償也人方以余為苦余則曰樂甚得無非人情乎雖然齋之偏者今已正其位且塗墍也顏之曰敬慎堂東楹之委而圯者今則簷宇軒敞塔影松濤眾山屏列朝霞晚霽絢如綺繡顏之曰來山館偏於東者昔之室今移舊址退丈餘高廣倍前也顏之曰亦在軒東南旁舍創建數楹闢東牖遙觀日出曉色瞳矐山光變幻暇即於此讀書顏之曰迎旭齋自茲而外為署門西南向為設宅門南向為寢室外軒三楹亦南向為寢旁舍四楹東向為旁舍廊三楹與軒接西向繞而東南為庖所二楹又南向左右位置相度經理規模殆非舊矣余居其中朔望必偕大尹暨僚友班立謁廟退即公座如常儀吏抱案牘摘紙尾立左側涉筆署字事甫畢即就齋



閣退息矣每與諸生駁藝論詩清談竟日去則拭
牕几陳列圖史供吟嘯或討究鄉射養老之禮治
獄執訊之法追慕先儒經義治事之遺風悠然有
會於心也遇良辰且做臨池學澶染爐香茗椀以
領畧烟霞之趣覺耳目之表非復塵境矣若此者
樂之甚哉夫官非要津地居閒散無錢穀刑名簿
書之責藏修息游亦無程限余惟樂乎此使後之
來者皆知樂其樂而毋忘余重構斯齋之意乎皆
康熙癸亥歲桂月繡川司
訓茗木董奕相生洲氏誤

儒學門三間

樞星門東南先是東向嫌與文廟背崇
禎十二年知縣熊人霖教諭章日輝訓

導何等高命正君重造西南向落成日一榜三魁
熊人霖記高皇帝肇造區夏載鞞于戈詔府州縣立
建學親釋奠辟雍皮弁執圭再拜獻爵復再拜乃退
欽定學規期明體適用頒臥碑于府州縣學已命立
社學間里有塾守令以時程督已選武臣子弟入國
學嘗召國子生諭之曰古之學者文足以經治武足

以戡亂故能出入將相而社稷安今天下雖安爾等
當務學然武可以忘哉詩曰文武吉甫萬邦為憲文
武並用古之道也列聖繼作長養人才今天子躬神
聖建中和廣厲學宮于小學武經尤所重臣人霖以
戊寅八月受事義烏故事守土官下車必先謁城隍
之神乃履而義烏文廟臨繡湖直城隍廟東余以辛
丑入境宿城隍廟經文廟欲下從者曰不也有屏在
余曰敢哉過廟必下維古之制乃亟下車越日既履
謁文廟賭儒學門制不經且偏向東若于文廟相背
余乃謀於學博暨弟子員曰作之維門哉徹之維屏
哉僉曰俞允若茲冬十二月己丑屏乃徹修厥涂已
卯春王正月甲子揆之以日正學門位南向廣二丈
有三深稱之厥費則余捐俸入五十金而署學諭孝
廉德清章君東齋分水何君西齋海寧俞君捐餼左
右焉不以士民煩也秋七月戊辰門成人霖乃進諸
弟子員迪之曰在昔周王壽考作人使民與賢出使
長之使民與能入使治之役之則為民蒐之則為兵
教之則為士官之則為吏誓之則為師諸士學古入

官議事以制惟忠惟孝時乃大訓乃其惟乃邑先正
 王公忠文攸率哉余自天子所來提調學政其敢不
 對揚天子休命勗哉多士日進于立德立言立功維
 高帝所祈出入將相是式鹿鳴兔置以應棫樸維時
 懋哉已乃申命武士日在昔有宋則有若宗忠簡克
 奮厥武以遏猾夏亦粵我明則有若陳將軍大成隸
 威大將軍麾下底定島夷勗哉夫子無俾先哲專美
 乃鄉已召童子命之日經哉孝經學哉小學余所輯
 句讀要言雜服率時將之乃陟有成余既立社學有
 九懋哉式勤乃升汝于茲學于時諸士咸鼓歌而作
 日敬受命于時東齋何君慶日簡厥修進厥良以率
 以勵童子罔有懈態無小無大從公于邁請廢思樂
 之首章于時西齋俞君慶日維時武士敦詩書說禮
 樂濟濟多士克廣德心請廢思樂之六章於時署學
 諭章君慶日維子大夫油油善教若風若雨蒸彼多
 士克奮厥志左宜右有將威懋于乃動順彼長道屈
 此羣醜請廢泮水之三章余乃避席再拜稽首日明
 明天子矢其文德洽此四國肆成人有德小子有造

自今以始行業堂堂如出入斯門將將學無面牆如
 由斯路攸行維余與諸君實藉手無卽於素餐繡水
 泱泱實式靈哉後燬

國朝康熙三十年知縣王廷曾於東禮門外義路之南
 重建東南向

土地祠三間 向在儒學門故址東舊啓聖公祠址康
 熙三十年知縣王廷曾改建東禮門外

泮宮坊 櫺星門外左右有成德達材
 坊見舊志與圖及李鶴鳴記

廟學沿革

縣故有學肇自元魏唐末五代學廢而有司廟事孔
 子以爲通祀在縣南

宋慶曆中卽廟建學九年縣令毛惟瞻徙縣東一百

步

崇寧初徙縣西宣和三年燬於寇

紹興八年知縣張袞新作廟學於縣北尉司故址後

知縣董燿晏節張欲皆嘗新之

邑人陳炳記萃一邑之秀俎豆其躬詩書

其心達足以濟登一世窮亦不失雍容禮樂以儒其家邑之有學厥繫不輕矣夫具耳目心思以生無不可學也人孰不有耳目心思而不幸圭筆鬱沈教無師講貫無友其遂皆窳而斷喪者亦不鮮則學之或虧或成責有歸焉繡川葵之著邑山環蠹而邃泉疏而清平湖一里涵碧澄酥漾泳於連甍之中既水土得於造化特粹異故士生其間熒熒多人歲大北籍于春官甲乙於陞傳者或最一郡然涖廣做藜又道介浙東西之衝令嘗窮窮蚤莫無食息暇邑雖舊有學亦難卒料理維臨川晏侯節明敏餘刃閱治必

欲迪其民太守侍郎吳公素知人嘉侯之能由武義丞辟邑事侯至亟媻蒞不淹月報成部使者列薦於朝得請為真侯間入學周覽慨歎即命盡徹去軌歆蠹腐斥公帑之美而圭新之殿堂齋廡赫端儼繚以峻垣儀以森戟坐從肖貌悉光於初又相其旁吉地堂而壁之安邑孝顏氏忠簡宗公像額以忠孝以為出處之軌憲卒功左誦右弦宛然闕里學者既德侯以記謁予予應之曰君子之於人德之深則憂之亦遠今侯之淑諸君懇懇矣而不知侯有憂焉行于斯言於斯而異時炳烈鐘鼎者亦權輿于斯侯所志也休於斯泳于斯而闢矩棘義者或指于斯非侯所志也且吾聞簞瓢不堪回及庶幾曳屣而歌參傳一貫苦學之效必然悉矣吾告子願古人之心規古人之迹去子之慎伎且多惑惟聖賢是力子勉哉斯可酬令君

紹熙四年知縣虞汝翼重建大成殿開慶元年縣令趙必升即其西縣倉故址建明倫堂景定二

年縣令李補建門廡四年縣令林桂發創建殿廊元
 天曆二年達魯花赤鐵閭撤故殿屋拓其基更新焉
 改建明倫堂直殿後規制有加於舊至正元年達魯

花赤帖木迭兒新廟并飭顏宗祠

柳貫新廟碑記義烏名縣因承烏傷

烏孝之後以縣人顏氏子者嘗喪親自負土成墳羣
 烏皆銜土助之烏吻為傷其墓猶在縣東五里謂孝
 為百行之原可以動天地感鬼神揭其至行以名縣
 使人瞻仰感奮於百世之下視孝子猶如一日也孝
 子秦人秦人習於暴戾以亂易治孝子區區氓隸未
 嘗與聞詩書禮樂之教而其天性之善有動於中知
 有民彝而不知有其身烏異類猶憐而助之凡有血
 氣者莫不尊親斯言豈無謂哉然則學以明人倫人
 倫之明由夫孝弟孟子曰堯舜之道孝弟而已矣自
 堯舜至於塗人其智愚賢不肖品第懸絕何啻千萬

而曰孝弟而已者竭盡無餘之詞則夫由塗人而可
 以至於堯舜由盡已之性而盡人之性盡物之性此
 明倫善俗之教所以歷萬變而常存亘古今之不可
 易者也義烏為孝子過化之鄉表孝弟而興於學宜
 不在它郡邑後而今之學則宋紹興間縣令張袞之
 所徙占地卑下識者病之更數百年未有果於改作
 者天曆二年達魯花赤鐵閭君始拓基掄材更於禮
 殿象先聖四侑十哲而祀焉宏敞麗密比舊倍差而
 門堂齋廡前翼後映左右昭列皆如其制會鐵閭君
 免官去而一時之苟完或不能勝夫積久之摧落逮
 今承務郎達魯花赤鐵木迭兒君之來則既入閭暑
 霜矣於是材幹之疏理者日以撓敗餒斃埒厚者日
 以剝剝榛莽蔽翳狐兔穿穴君盡然憂形於色曰聖
 師有臨吾政諉諸越明年職脩政洽度可以因時舉
 事乃捐俸倡首而士之籍於學者咸勸趨之輸財薦
 工惟恐或後既為之革蠹為堅易腐為良而穹棟豐
 楹華棖繡栴耽耽轍獸擲鳳騫軒陛佉如簾箔簷
 如尊爵簠簋踐列有容每朔望釋菜春秋釋奠降升

授位啐齋合節優然河目海口之聞於無聲而神道
設教有赫其承尚洋洋乎其在上也初殿西廡下故
有堂專祠孝子而以宋故東都留守忠簡宗公循食
其次孝子之去宗公餘二千年忠孝一節前承後引
天經地義炳乎相望禹稷顏子易地皆然非學之成
效歟鐵閭君之始興是學也蓋嘗徙置儀門外之西
南陬今君亦并飾加之且搏土肖像按圖考禮加之
冠服而以時節修其豆籩薦之醢齊稽於釋奠有合
之義固不必求之鄰國而得之矣而况孝子之所以
致孝於其親忠簡之所以致忠於其君而為人倫之
至者皆出于吾性之所固有非俟乎昇付而增益之
也詩不云乎天生蒸民有物有則民之秉彝好是懿
德物則者何秉彝好德是已然則為是邑之民者幸
而生于顏宗忠孝之里又幸而際乎賢長官興學立
教之時處而修之于家則思以自盡乎孝子之孝出
而任夫天下民物之責則思致乎忠簡之忠進思盡
忠退思補過不得為忠臣得為孝子斯可矣君由曰
子生以試入等釋褐授是官才敏用裕篤誠愛人與

學特其一善在辟雍時君為生子為博士嘗與同業
因其職事朱震亨王良玉請識牲石而并以典夫甘
棠之風焉至正三年縣尹周自強即明倫堂之南築
元年辛巳記

杏壇黃潛記義鳥故有先聖廟在縣南宋慶曆中徙
于縣東而立學以應命崇寧初命縣皆置學又
徙于縣西尋燬于寇今廟學在縣北則紹興間所徙
也其後又斥廟西地以為學而規制變備逮入國朝
有司以時繕治惟建曆二年冬達魯花赤鐵間始
盡撤而新之與殿遂無夷廷穹門崇高修廣悉倍其
舊且改作明倫堂直廟之北墉面勢甚正而地脉隱
隱隆然以起堂適據其脊或挾官宅地形之術審其
方向謂宜避勿犯由是未及就緒而遽輟工後來間
有不為其所林者率俸於役殿資鉅周故自任顧假
術者之言以為解閱滋遠莫或有動其意者至正
三年夏五月縣尹周侯自強來蒞事展謁而退睹斯
堂之墜美不施敢不故漏殆將覆壓問其故而為之
太息亟命鳩材僱功易其已壞而補其勿具朽壤飯

甃必堅必良棟宇豐碩楹檻顯傲飛棟步簷周于四
阿左右齋序為屋十間基而未構者半完舊益新畢
底于成什器之須待用無較先賢之制曰忠孝堂寓
于廡下則遷而位于廟之西南巨石便寢富乎前軒
則因其自為補以土壤及他山之石使就平坦甃其
土為杏壇修五十五尺有奇而廣加其修五之一始事
於是年之冬訖後於明年之春上教事者欲圖賢侯
之精俾永勿墜爰狀其實屬潛記之蓋古者惟有學
而無廟後世或有廟而無學廟學之制莫備於今詔
書屢下風厲作成觀昔有加可謂盛矣義烏為名縣
其有學亦已久矣何一旦倏興忽廢春秋行事駿奔
走執豆遺濟濟在列而考德問業羣居游息皆無其
所絃誦之聲希澗寂寥若向之有廟而無學何以
廣教道稱上昔哉宜乎周侯鯁鯁焉致其力而不卹
於流俗也凡先王建學明倫之本意與是邦人材風
俗文物之大槩有晉陵胡公瑀鄉先達朱公如璋陳
公炳及潛之六世祖處士君所為記論著已詳石多
不存而其文並傳於今未泯潛不敢勦取前人成說

以續告于同志之士始為記
其顯不如此俾來者有考焉
十二年達魯花赤亦璘

真重修門廡明洪武三年詔郡縣開設學校廟之門

廡及明倫堂學舍之類歲久傾頽府志作知縣張永誠仍舊建廟學

二十九年教諭張復祖即學官舊廡廟西十步之樂

育堂改為明倫堂為諸生會講所建文二年原作三十三年

知縣吳祐修及建齋舍於明倫堂前之左右惟學門

是舊所存有忠孝尊賢二堂文昌祠附於學宮歷年

以來皆弛落正統五年縣丞劉傑葺正殿兩廡六年

七年知縣劉同重修戟門明倫堂學門齋廚規制復

完臨川王英重修文廟記金華古之婺州也其山有
 金盆紫微之高其水有雙溪繡川之流以為一郡
 之鎮其靈氣所萃鍾而為人老顏烏之孝節元與之
 文學葉衝王淮之功業東萊呂成公之道德他可稱
 者未止於此而義烏其屬邑則以顏烏得名也邑舊
 有廟學圖志載創於元魏時在邑南宋慶曆間徙邑
 東崇寧初徙邑西紹熙中徙邑之北元因其舊國朝
 洪武中知縣吳祐常加修葺迨今頽弊矣劉君來承
 茲邑謁學宮睹而慨然興歎曰聖天子以文武神聖
 大德嗣承列聖之統臨御以來屢詔郡縣修學宮增
 廣弟子員又藩方各置憲臣一人專理學政其重於
 學校如此而聖師謁虔妥靈之地有司不能上體聖
 意而作興之其責可追乎是邑廟學當竭力以圖修
 建乃捐已俸為僚屬之倡而民之好義者爭出金帛
 以為助所積既充乃募工匠集役夫伐石取材治鐵
 陶甃百用悉具卜日興工趨事者雲集殿堂門廡棟
 梁楹桷之屬歆者植之傾者止之缺者補之蠹腐者
 易之廟學既新先聖先賢之像加以繪飾申申之容

儼然在上邑之耆老士民瞻望咨嗟以厥功之成立
 刻諸石屬兵部武選郎中龔君永吉徵予為記嗚呼
 劉君其賢矣哉為一邑之佐眾務繁劇能以修廟學
 為已任可謂知所重矣記之不亦宜乎雖然廟以祀
 先師學以育賢才也矧金華為大郡義烏為名邑昔
 稱多賢今之士豈無俊偉負才志所謂山川之秀所
 鍾者歟來游於學既華其衣冠安其居處又豐其廩
 餼可優游日逸乎必知上之所教育之者欲其學之
 成才也然學豈易言哉書曰學于古訓乃有獲聖賢
 之格言大訓昭如星日載在六經非窮探極索以明
 其理不可得也成公有言學者須是專心致志絕利
 欲之源凝聚停蓄方有所得又曰道理無窮學者先
 要無自足之心此鄉先正之至論士當勉而不忘者
 也惟如是則德崇業廣於學有成出而為天下國家
 之用上可以致君下可以澤民上之意庶幾可以無
 負矣劉君所以力於修治者正以此望於邑之士也
 士可不勉哉乃書以為記廟之修肇工於正統五年
 庚申春二月明年正月成協贊其事者主簿監利楊

壽典史定遠王儀承委董事者耆民龔仁民施孟彰陳仲誠劉君名傑字仁傑世居饒之樂平讀書有才行修廟學之外於邑之壇壝街衢橋梁皆新之嘗言故翰林待制王公禕死節事詔加贈諡又嘗言利民十事下公卿議多行之龔君字天民為義烏士族其請記甚力蓋嘉劉君多善政云弘治十六年知縣呂盛正德元年知縣洪通相繼重修

十三年清軍御史吳華遷今所

吳華遷學義民題名記予按義烏昔義之

諸生首以遷學請予難之越明日鶴鳴與諸生輩望為此舉久矣若有待也幸勉從之予曰工費浩繁而庫藏且空為之奈何九臯曰義之人頗尚義苟鼓之有術則不足為也既而同知張齊知縣羅柏相與贊之益力昔魯僖公作泮宮民樂之聖人取焉顧所重在學區區勞費奚惜哉予亦惟從之是也又明日乃進諸生使各疏其人得若干名命之來禮諭之俾自為

多寡以各稱其家一日三日得千金有奇予喜復進諸生而相與慶曰網上市之學用茲卜成有日矣吾聞君子不沒人善若茲百餘人者召之即來取之即應不皆可以為善者乎亟為我紀其姓字以詔來者或曰學之就緒尚遠而公亟為是何和子曰是非爾所知也夫舉事以得民心為本財者民之心也彼樂輸其財則其心從可知矣予知有網乎盍往觀諸民得勤其子來之恭士得後其思樂之願君子得奔走讓揖於其間使業可大德可久規模可弘且遠者皆若人者先為之地也吾不少示褒嘉之私則彼之為善者莫知所勸夫以問閭姓氏一旦重之矧刻以近我德義之光榮孰加焉俾凡鳥之民無小無大罔不瞻望咨嗟相與引恬日趨於善而莫知為之者若然則於我國家化民成俗之意亦未必無少補云是為記嘉靖十三年十一月邑人李鶴鳴記義烏縣治西北百九十步有山曰古網蓋自黃葉山連延南來二十里而結于此前歐繪湖四山宮環勝絕一邑為唐稠州故址命焉後為瀟心寺寺且廢議者咸謂方

於儒學學故在縣治北百步喧迫最壞多火盜虞甚
弗稱然莫有任遷改者正德戊寅冬十月清軍御史
臨川吳公華按縣教諭桂林陳君嘉訓導南昌熊君
行乃師諸生狀學之當遷與其所友詣以請公即日
謁夫子於舊學直遊網山之上願瞻徘徊慨然歎曰
師生言是也遂定厥謀進諸生謂曰吾欲茲費無干
府藏聞爾鄉富而尚義為我疏其人吾將資焉於是
得白金百二十鎰然後願就賦役民大和會斥址表
百六十步橫廣三袤之二居中面陽為大成殿五間
高五十尺深十步廣十七步前為舞庭六步又三十
步為戟門五間廣十六步高深減殿五之三庭東西
相距二十五步為兩廡廡九間高半於殿深四步表
如相距之數為迴廊於殿門廡之隅隅六間西南隅
之右垣外為神廚三間稍南為宰牲房三間戟門外
廷方三十三步中為類池深二仞圍廣五十步石橋
其上橋南七步為櫺星門三座中高三十尺旁減中
六之一櫺星南左八步為名宦祠三間右為鄉賢祠
祠有廡屋三倍名宦櫺星直南二十七步為類宮坊

坊前為通達跨達東西為成德達材二坊坊皆石為
之成德之內面達為儒學門三間門內道廣五步北
入十步抵名宦南垣折而東五步又自東而北九十
步繞大成殿墉後直北十九步以達於明倫堂堂五
間高三十七尺深入步廣十六步堂左為祭品庫右
為齋宿房各三間堂南東西相距二十步為進德修
業二齋齋五間高損堂十一尺深損堂二步袤十五
步堂北十二步為尊經閣高加堂八尺為間深廣皆
如之閣之左為公廡二所右一所所有樓有聽事有
東西廡為間十有二其所之南為饌堂庖湍倉具焉
凡九間九間南為號房四所所七間射圃在四所之
東亭三間射圃之南為青雲樓正三間廂十間門三
間迴廊六間泡涵二間青雲之左俯繡湖支流湍急
處為觀瀾亭一間亭北又為堂三間自殿堂以及觀
瀾亭為周垣者凡十有八焉又循觀瀾西南直繡川
橋有涵廣十畝曰鄭公墩橋右復為橋曰文昌以度
之為繡湖書院其上堂三間廂六間堂南因基之卑
為樓三間上肩於廂凡屋以間計者總二百有二十

學校

七

仍舊者什之一基之峻卑飾之華簡森有法度無相背矣出內估計具有文冊無或不公承委而總督其事者金華同知濟南張侯齊知縣吉水羅君柏專其在而分理者縣丞泰和康君嘉縉雲丞稷山閻君泰奔走服事先後衆工人者則義民龔淳陳淪王元黃如松朱宙毛曇吳潭朱珪金琪金垣等十人也明年夏四月吳公復來遂趨成之更二年陳君肅暨訓導華亭李君霆江浦李君浦始謀捐俸稍辦神龕几幔及講讀會食諸器用蓋是役也規模宏濶工費煩人顧成之以亟嗣有司又不遑省視而旁近豪猾公肆賊蠹是以不五七年間而浸成頹敝矣初吳公謂鶴鳴走狀請記于太史會稽董公玘久未能得既遷學之八年鶴鳴得告家食陳君行且代去乃思茲重事將遂無致以不敏嘗與聞始末得詳記之縣丞王君廷臣實任勒石鶴鳴義弗獲辭然國家所由立學吳公及諸君子相與惓惓奉承之意凡我同志當自知勸不敢復瀆云

嘉靖十年知縣馬致遠奉詔建敬一亭十四年署事通判汪昉重修廟學齋廡

少卿胡二森記

十九年知縣汪道昆葺修四十二年知縣曹棻移儒學門署事推官王楨重建明倫堂四十四年署事同知張書紳重修廟學廟門及兩齋委耆老黃子通等督之萬曆七年知縣范儁重修先師廟明倫堂更創敬一亭尊經閣

范儁尊經閣記明興重經術故凡學必有尊經閣示重也重經蓋庶幾以重道則閣之關於學誠非淺鮮已烏岸尊經閣舊在學官之北歲久就圯歷數十載靡有輯者余丁丑冬奉命來烏以虔朔至學則是閣惟荒榛敗磔存耳余為怵然越明年因修學之暇進諸生議復建之諸生唯唯顧貲未有所出余乃捐俸經始烏人歡然相勸以義助共得若干緡遂庀材鳩工區畫以度五閱月

而閣成諸生謂閣圯且久今不勞而復于崇朝視昔
 加雄斯亦奇矣是不可無紀請志其巔末以示將來
 余曰尊經之義先輩譚之備矣余惡言獨以三代之
 學明倫是務而六經也者夫非人倫之撰乎故尊經
 之與明倫表裏共貫者也願二三子顧名而加之意
 耳誠宜為臣尊君為子尊父為弟尊兄少則尊長賤
 則尊貴問業則尊師尚友則尊賢內以尊德性外以
 尊瞻視修之學術摛之文章播之勳業皆光明俊偉
 駕軼宇內俾是閣藉以增崇斯之謂尊經而昔人創
 閣之意也若乃挾稅以相抗營寵以自矜於彛倫罔
 攸恤焉則失其尊之義而與經悖矣將閣且蒙詬豈
 所願於二三子哉閣凡五楹高若干丈有奇四面櫳
 櫺均布宏敞洞豁偉然聖道之堂奧也諸生登是閣
 而思其義可以與矣東西有齋舍各五楹諸生藏修
 者居之後閣逾年而始建因附記焉是舉也贊議以
 始者蔣君坪馮君韶陳君秉賦協力以終者范君廷
 良金君國珍周君琰而王君大經葉君惟大李君度
 則後至而樂觀厥成者也咸得書十年四月撰 邑

人龔一清新儒學記故義烏學直縣治南宋慶曆崇
 寧紹興中嘗三徙地矣今臨繡湖據山川勝與縣東
 西峙則明正德戊寅徙也恢于基延袤可五百步寬
 廣崇深棟宇惟稱環浙而泮首壯麗云歲久就圯若
 敬一亭若尊經閣若青雲樓及諸賢舍已化為榛莽
 其廟廡堂齋多壞爛傾塌露潦天星足慨也間司土
 者非不時葺顧時葺時圯無乃大之顛也匪易支邪
 而期會簿書往往以文法繩郡縣稍所繕完輟入墨
 與其葺故墨也母寧圯而宮牆之弗飭也雖一二君
 子盡心師表而憚於文法亦斤斤塗墍耳矣蓋顏夷
 至於今土不任石木不任瓦風雨之所摧也鼠豕之
 所矢也將無從借前箸矣其不鞠而蔬圃者幾何縣
 令長范公起家名進士以萬曆丁丑結墨綬茲土首
 謁先聖廟四顧憮然曰是尚可泄泄邪不日上其狀
 當道可之為搜帑緡緡無餘為日累嘉石之美鏤幾
 三百金進有衆任其能者朱濟金香李無疆楊仍醫
 官金元瓚輩諗之曰若為乃翁辦乃事即經紀若家
 母效貳偷乃翁其有重勞朱濟輩殫心力所事而公

學校

是

或日躬督之經始戊寅六月是年十月工告成自廟而北為齋庫所為明倫堂為敬一亭南為左右廡為廟門為櫺星門又左為博士師舍無石不易堅無材不易良高其築以繚繪其斷以文鏤餼鱗次丹堊聳飛而敬一亭則更建者僉謂自始創來所未有也非千金貲淹經年役胡卒辦是公既勞朱濟輩從冠帶列博上師蔣子坪馮子韶陳子秉賦率諸弟子員圖所示永永者托諸石而屬不佞記其事且日初學之徙以歲戊寅茲適周紀而新天昌斯文固有會也不佞唯唯大都天者而人起之人者而天應之以數十年之頽葺不敵圯天如有待固也公任未幾毅然勿上下顧以興大役無靡費無淹時遽潰於成青衿改觀匪實由人起歟不佞竊取春秋之義系石日新儒學記新志非恒葺也即所以作新士者弘哉爾博士弟子見輓近世所頽習乎軼科目而獵剽綴母云實學文其衰矣則俗漸然也是亦頽學宮也其務振起之入門顧儒登堂顧倫敦孝崇弟審言敏行而於六經語孟究研正脉將經世之文出名世之業隨矣何劇

發為夫頽宮難為力甚又繩束之者一旦新自公之學在我無難而可徇故頽即自新以昌天會斯無負公作新意其在博士師弟子乎故日人者而天應之乃為蒐循吏傳得蜀文翁即與學冠治行耳公下車亟此之務九月程諸弟子藝寒暑弗輟創尊經閣費最鉅不煩公裕以義倡亦既裁而立矣雖蜀文翁何加焉公廉明誠恕日益孚於上下負者願輸訟者願息四郊恬然如獲更生將築循良有之獨文翁哉為之歌頌曰思樂泮水溥采其芹虞之五章日濟濟多士克廣德心然後知興化致理類非俗吏所能賢者一出身任國家事固無庸首尾簿書法也公名備別號鴻泉為瑞州高安人今憲副公級司理公世美其同大父伯仲子云六月撰又德教存思禪皇帝臨御之五禩高安范僕以才進士來合義邑力行節儉躬率德禮為之期年民既返其專慈之良相與馴習而悅安乃謀所以昌明詩書禮樂之教而學宮就傾廟宇敝漙不足以若若息起瞻向慨然以作新為已任邑固儉迫難以驟役而浩費經度盈積議不煩于

學校

三

衆慮不動于民捐俸斥羨鳩工庀材舉之以次第進之以歲月先師之廟明倫之堂煥然其輝其廟之廡側堂之齋壇之爲麗樹之爲門與夫啓聖賢宮之祠莫不畢治堂後建碑經閣修教一亭拓立學舍若干間以待士之來處而修業者蓋于庚辰于辛巳凡再閱廣告成焉但見廣康乎殿廟門堂之崇且遠也翼翼乎齋居庫廚之各正平內而麗以壯也秩秩乎堵所相屬之明輝瀟爽而各有條理也蓋舉浙以東之學宮未有若是之勝者矣非惟吾道表率之地精是益煌煌有輝而矜佩之泮渙于此者蓋亦有豁然領會於心目之表者矣詩曰豈弟君子遐不作人思深哉侯之用心也頃臺諫員破大冢宰疏名以請侯膺簡命之車有期羣弟子員相顧趨踰曰某等沐德教薰懿範如黃珠白璧太羹玄酒奪目醉心久而無教今去若何焉情集而圖諸邑博士王君大經葉君惟大李君度將勒侯之實以垂不朽三君躍然喜曰固夙願也二三子之言已得我心遂相與馳書徵言於余余惟治道莫大于人倫而心法莫先于敬一

自先聖以及諸儒所以廟食萬世者弗可易也我聖祖興學育才堂必扁以明倫揭其要矣我世宗繼志述事箴復申以敬一蓋探其本也吾黨之士以敬一之心明人倫之道大可聖次可賢出則行此道以襄天子之治處則明此道以贊天子之教以其承朝廷德意斯無負侯之望矣不然則棟宇輪奐徒爲觀美而侯之所以崇聖道作人士之志何有哉方今主土富于春秋推賢讓能仰拔英類海內之士胥延首以望太平侯也秉昭曠之志達忠亮之節給事諫垣拾遺左右當必有以開聖聰裨國是者奈何嬰情于一邑以爲是戀戀邪雖然諸博士弟子員之言則二天之私也姑次其言以爲存思記侯名儁字國士號鴻泉丁丑進士遂州高安二十一年文廟梁柱頽頽知人萬曆十一年六月誤

縣周士英委耆民季伯良楊一澤董役修葺如舊後

半燬於寇

按王楨重修明倫堂有王崇記古志不全

國朝順治七年署事推官徐振儒建廟門七間九年知縣宋雲梯重建明倫堂十六年知縣郝麟生教諭徐弘彰重建先師廟康熙七年知縣孫家棟教諭譚觀成重建西廡十年廟門朽蛀將傾知縣于漣教諭譚觀成捐建并建更衣所宰牲房十一年知縣于漣復建啓聖祠名宦鄉賢二祠十九年先師廟圯神座弗飭知縣辛國隆同教諭閔圻申訓導王業澄增修邑州金以琳重修先師廟記吾夫子之發凡舉要無過於明德親民一章稱夫子之盛德大業無過於祖述憲章一章蓋自唐貞觀以來郡邑通祀至今弗以居之未近世之甚遠而不深仰止景行焉茲者

朝延首崇正學非四書五經孝經不以立訓而恭已率物由誠意正心以極於川流敦化上自宰執至於令長而空民之道盡田里樹畜始於一夫學校禮義起於一士其必由學乎我烏自秦顏孝子感動烏吻而以名縣嗣後若唐之駱臨海宋之宗忠簡元之黃文獻明之王忠文性行才猷輝炳今古然使生逢夫子豈在曾閔由賜商偃下於是三韓辛侯來合茲邑思以導民間於以琳以琳曰導民有的亦有機導烏之民必使之為顏為駱為宗為黃為王而欲導之為顏為駱為宗為黃為王則莫若導之為曾閔為由賜為商偃而欲導之為曾閔由賜商偃則莫若導之誦法夫子而欲導之誦法夫子則莫若使之入廟而知敬欲導之入廟而知敬則莫若崇隆其廟貌使人望而知至聖之可尊而吾意之所在亦可不言而得之侯乃躬自仔肩而因以集邑里諸士俾勸相焉於是繕堂皇而圍以欄楯葺廊廡而厚其墉垣飾戶牖而新其榜檻肅壺奧而端其位置明倫堂則重建也啓聖宮則新成也名宦鄉賢則祠於學宮之內也浹歲而

長壽縣志 卷之四 學校

工成而公之心猶未已也每於月之朔進父老而告以孝友嫻睦之義俾詩書禮樂之風油然而生中和仁讓易直子諒之致藹如也又於月之望進邑儒朱淳闡明德親民祖述憲章之義而後之所為異同與內外之分不置喙焉由此而溯顏路宗黃王諸賢其間亦邇上以副

聖主之甄陶下以作閭井之模範

二十二年知縣辛國

侯之教澤豈淺鮮哉是為記

隆教諭吳觀垣訓導董奕相捐葺先師廟及啓聖公

祠明倫堂吳觀垣董奕相捐製先師神龕

邑中書舍人金以詔重建學宮記自京國至郡邑政治之大必首教化學宮者先聖賢之所式憑而彛倫之所由明人材之所由盛者也豈可使其宮牆頽壞上兩旁風乎天下之事雖有盛有衰而因其衰以復於盛則存乎其人顧土木之費措置維艱為之于公資有餘之時則易為之于公資告匱之時則難義烏學宮在城西北門之

外百數十步峯翠千層湖光十里滙靈聳秀四面迴環誠聖人之居而人文之所萃也第明倫堂啓聖宮諸所歷年既久徒存基址向來司教者非不欲修葺重新之乃一計及所費輒因循中止西陵六平吳君以名孝廉來掌義烏教甫至顧瞻學宮梁柱則黝昧而摧殘牆垣則圯敗而毀裂喟然歎曰我司教事倘復因仍坐視教從何施乎于是與其副董君梁禹及諸生陳祥發李培美黃大呂毛岳黃之琮金永灼等商曰我有志于重建學宮然大事也當請于縣大夫于是走謁辛侯侯欣然曰我懷此志久矣但此時公帑無儲又難以索諸民間維我與二師及闔邑庠士輸助可乎時侯即出俸錢百金為倡二師即以新生束脯所入為助合邑子弟則照糧輸助而各姓巨族每宗祠助銀若干合邑耆老人助若干遂擇日市材篋僦匠傭人人感辛侯三師之意踴躍趨事先師廟雖構于數年前形似釋宇乃拆去四圍改同宮殿規制至如明倫堂五間啓聖宮三間西廡并廡內舍十間鄉賢名宦二祠各三間悉撤而新之凡筵重設籩

豆咸備自甲子年初秋庀事仲冬月杪訖功雖湖山之勝不殊于昔而棟宇偉麗丹雘輝煌視昔有知夫天下事誠而已矣樂助之心誠也一誠而難者可易衰者復盛矣然則幸侯與二師之率先輪助陳李諸生之程督勸相皆不可以不書也自今以後入學宮而陳詩設禮講學明倫而教化行焉而人材盛焉其亦知所自也哉幸侯諱國隆號敬齋三韓人吳君諱觀垣字六平杭州人董君諱奕相字梁禹湖州人陳李等六人皆有文有行之士為庠中領袖云皆康熙乙丑仲春誤

訓導衙自為記

見前訓導衙下

三十年知縣王廷曾與教諭

丘克承捐葺廟學

王廷曾修飭廟學記烏邑廟學之建創於元魏蓋自宋慶曆九年由

縣南一徙縣東崇寧初再徙縣西紹興八年三徙縣北百步而大成殿之建則於紹熙四年明倫堂之建則于開慶元年門廡之建則於景定二年殿廊之建則於四年拓其基而更新則於元天曆二年建齋舍

於明倫堂之左右則於明洪武三十三年重修門學門齋廚則于正統七年而四遷治西一百九之者若陳公炳柳公貫黃公潛王公英吳公華李公鶴鳴范侯儻龔公一清熊侯人霖載在前乘詳矣而以育賢才龔公之言曰入門顧儒登堂顧倫蓋向之為宗為徐為黃為王為龔皆出於學顏產焚書之日而導學之源楊與駱顯未有科目之先而張學之則所謂祀先師育賢才顧儒顧倫即前此無論而自正德戊寅徙此一百八十四年邑之人於此為堂室焉蓋廟學之址蹟不覈則重輕未稔圯壞不完則規模不肅位次不清則景仰不誠陳設不虔則禮祀不恪乃與教諭丘君克承輩某碑陰得甚至之數又籍廟廡門垣祠宇及學門學署堂亭齋庫見存之區與昔有而今無者若干所其亟亟從事者如廟門之外達橋星門垣壞不修成場墾矣行人習為達徑牛羊望而踐履禁之不止環三面計之為丈五十有八

不可不築也則廷會捐築之營星三座僅存石幹門
凡六毀之久不可不製也則廷會捐製之其門西石
幹復為昨歲六月十二日之烈風所覆不可不治也
則廷會捐豎之備學門三間在廟垣外之東南廢已
久不可不復也則廷會捐復之士神祠三間初在廟
門東今名宦祠址繼建備學門東與門通不可不遷
也則廷會於東禮門於直義路處更建之凡此皆稍
稍補綴恭日重有裨於廟學者乃丘君仔之甚力且
協捐董厥成焉至修業齋將頽不可不植也則丘君
與訓導朱君謙謙捐修之祭器向從朱子範以銅嘉
定中教授楊傳考製為之舊無存近并籃簋籩豆悉
毀于兵前訓導捐置木豆矣而不敷於用則丘君朱
君復捐置之先師之龕置于前諭訓矣而四配十哲
尚無龕供案盥檠都未備也則丘君新製之其配哲
賢儒與啓聖祠位次他廡每多互異舊志雖備列東
西與進黜歲年名氏然前此或東不次西不次東
或以進祀之先後為次或以各廡之傳流為次以致
淆雜則與丘君蒐討闕里志之圖而稟之祭儀陳設

舊志止載品物他廟臨祭之時沿故套耳亦依闕里
志陳設圖行之祭物取辦額銀不足則延會於二丁
日各捐奉四金益之而廟涖繡湖久涸矣相傳湖水
清則巍峩見當宋季每有可徵逮元至正四年而不
驗且為夸誕之辭以諛合王忠文嘗辨之然此亦烏
傷之明聖也蘇學士嘗濬明聖矣以資遊眺實以滋
利濟至在粵在穎而皆以明聖名焉學士之殷殷於
湖如是矧是湖非徒一邑之勝而廟學之所憑也廷
會未敢曰能盡復之亦稍疏其壅以為權輿焉而
黽勉從事非特遠媿文翁實近慚汪范諸君子云
學田 明隆慶元年署事同知張書市練樹橋田四
畝歲計租銀一兩六錢二年知縣潘允哲市學
後寺塘邊田四畝歲計租銀六錢邑侍郎虞守愚捐
都憲坊前店房二間歲計賃銀三兩六錢萬曆四年
三都民趙惟新舉族人趙凡百四私買福田寺一十
二畝灌塘四口三十六畝知縣梅淳並申學道批允
入學登報循環為月考生員等用邑人朱湘學田記
夫釋子之與孔氏何可同日而語也今釋子之弟子

者得無所營而益修其業朱晦翁稱其務一得兩今
學校之不能自謀者何限寺田之侵於民者亦何限
誠使司牧者皆能心梅侯之心取釋子無歸之業以
業吾儒人有所益歲有所增於士必求有濟而又責
之德藝使青衿之士皆以道德文章為務訢訢然若
有所藉而興起焉如此則所謂賢父兄矣今之主學
田者非師乎其或不恤與議任意出入以為故常則
籍雖存而實已亡矣使司牧者皆能心黃君之心所
用必公而非私所施必貧而非昵好學者資之燈火
孝親者助之梁肉以為弟子勸匪學匪行雖貧不為
徇情而妄與養之之中即寓教之之意如此則所謂
賢師傅矣抑余有大懼焉父兄則賢師傅則賢如為
人弟子者訑訑然長傲習慵旅視其父兄路視其師
傅朔望月考之不赴而責膳饑之未嘗先生弟子之
不相覲而訝施與之不及不以聖賢遠大之業自期
待日與市僧鄉黠相從事於博奕飲酒之間爭勝嗜
利而不以為非則于梅侯今日之意大悖矣如之何
則可余故因黃君之請忘其僭而並著之以為吾鄉

之士告若夫侯之清德善政行當有紀茲不具述也
侯諱淳姑熟當塗人隆慶辛未進士云萬曆四年八
月立明倫堂左 十八年店房被燬 十九年知縣
金繼震查三都趙姓各佔放生官塘成田俱應入官
申道以熟田二十畝歲計租銀五兩並
報循環入學公用歲計租銀七兩三錢

學倉

社學

明洪武八年詔有司立社學延師儒教民間子
弟每五十家設社學一所請秀士教訓仍將學
所師生姓名申報本縣時設學舍三十所正統元
年令各處縣官嚴督社學不許廢弛俊秀者許補
生員天順六年勅諭一古者鄉閭里巷莫不有學
即今社學是也凡提督去處即令有司每鄉每里
俱設社學擇立師範明設教條以教人之子弟年
一考較擇取勤効仍免為師之人差徭弘治十五
年令立社學訪明師民間童幼年十五
以下者送入讀書講習冠婚喪祭之禮

崇禎十一

年知縣熊人霖立九社課士曰繡湖曰春巖曰石樓曰廣巖曰稠巖曰五雲曰釣巖曰雲黃曰僊屏總曰龍門大社

書院

五雲書院

縣西二十五里五雲山下元大德間樓如浚建宋濂遊學其間址存

繡湖書院

樓堂廂房共十二間毀

附廢址

舊儒學

縣治北百步正德十三年遷於稠州故址廢

忠孝堂

舊學戟門東三步先是在文廟西廡宋隆興二年知縣晏節創建以祠孝子顏君忠簡宗

公後人奉呂成公徐文清公而祠焉復徙戟門右尋廢永樂九年教諭胡春同議以祠不可廢邑人胡彥清捐資徙創以呂徐二公別祠于尊賢堂復廢正統四年縣丞劉傑奏准九年知縣劉同重建後以遷學廢宋黃中輔記隆興天子龍飛傳國璽履寶祚德音一霈宇宙煥新詔諸郡縣訪孝子忠臣務加旌表以厚人倫嚴祀典猗歟休茲可謂急治要矣令尹承流宣化而環境之內有孝於親忠於君足以法天下軌來世者固當尊榮顯祿仰稱聖意焉義烏漢烏傷縣也唐武德七年廢綱入婺始改名山川鬱蒼人物風流孝行卓異如顏氏子忠義激切如宗忠簡非惟朝野一時欽重雖禽魚蠻貊亦識姓氏顏方髫稚事親孝親喪負土成隴感烏銜土口吻皆傷視晉許攷悲號墓側而鳥獸翔舞過之矣宗當靖康初塞塵擾華首奮孤忠捍禦河朔敵人畏遁視唐張巡死守睢陽障蔽江淮過之矣二公世之相後千餘歲琅琅相映若宮商然自爾居家孝衛上忠代不乏人蓋有倡於前也紹興壬午臨川晏君來攝是邦勤儉廉敏

革去前弊不淹月報政郡太守部使者列薦於朝越
 明年辟正又明年春視縣庠榛蕪類詩人子衿之刺
 慨然歎曰吾領師帥不此務失職矣即日出令鳩工
 度材一月而裁再月而畢易圯以堅增庠以崇赭堊
 輝映因戒諸生昔司業陽城嘗謂凡學者所以學為
 忠與孝也今之學庸可不知古人意要當磨礪淬礪
 盡為臣子之道此邦國英俊淵藪屹然為中流砥柱
 者顏宗而已勉旃無負所學因謀立祠於西廡之偏
 禍以忠孝使昕夕瞻敬睹顏之恭愛思慕若事畚鍤
 於親瑩之側視宗之嚴毅奮發若嬰敵鋒於孤墉之
 中平日晚進服膺鄉老先生訓告固已想聞風采茲
 又睹其儀矩相與依鄉油然而心生矣或謂中輔今
 將刻公之事于金石俾子孫無忘非子誰宐為中輔
 再拜謝曰勞苦幸辱教誨不敢以不文辭人之性忠
 孝均有也孩提知愛親畎畝知不忘其君往往妻子
 具孝衰於親爵祿盈忠衰於君非忠孝之過也譬諸
 金木金性包水木性藏火鍊金則水出鑽木則火生
 均稟是性在乎擴而克之耳今取忠孝最顯者列教

化官公之待諸生勤且至矣當勉承勸獎意也十室
 猶有忠信况百里乎他時忠孝之風接顏踵宗則公
 之遺德滋多詎可忘所自云隆興二
 年十一月一日記 古志載稅文

尊賢堂

舊學戟門西三步即舊忠孝堂址舊以呂成

胡春同議別立尊賢堂以祠呂成公徐文清公黃文
 獻公待制王公縣人王仲宗捐創正統四年縣丞劉

傑奏准九年知縣劉同
 等重建後以遷學廢

訓導衙

尊經閣左
 以奉裁廢

仕學室

尊經閣後三楹一
 亭教諭謹廷錦建

飛躍亭

尊經閣後池邊又濯纓處室三間萬曆間知
 縣范雋建二十年教諭王時春培學後山脉

牒知縣金繼震命耆民陳思堯龔
 來時取土繡湖塞其池亭室俱廢

文昌祠 儒學西南移東後徙建西江橋


青雲樓 儒學東二十一間萬曆間知縣范雋重建於鄭公墩後復改三忠祠

觀瀾亭 儒學左

附圖說

義烏縣儒學基地圖 舊志不載

圖縱三尺六寸五分橫一尺八寸五分圖下有志縱二尺橫如圖茲縮而就格為一總圖其圖中註字甚密復析而稍寬之次總圖後尚有枋而不能全入者摘附格旁合觀之蓋是圖所載南北東西四至與丈尺都保田地池塘字號畝分官基義捐廢址原業價費抵數及今處所交牙鈎畫鱗註其中廟學遷自明正德十三年圖勒於嘉靖五年其經營之苦位置之詳猶可想見識詞次後知縣



周圍三百二十二丈七尺計五百二十八步弱

一都五保別字二號 高田一畝二分八釐
二號高田 五分八釐
三號高田一畝 八分四釐
五號塘一畝七 釐附六號下地 一分

原圖每格
號上有別
字字從省

在城六保疏字附五十一五十二五十
四五十六四號高田三分上地五畝中
地四畝二分三釐下地一畝二分七釐
又下地二畝九分五釐并一都別字田
塘地四號計四畝九分七釐共十八畝
七分二釐元滿心廢寺今為尊經閣明
倫堂祭器庫致齋所東西齋二訓導宅
饌堂射圃倉號房教官蔬圃防虞池等
所官用價銀五十三兩買在城民金六
一金尚二十金尚四十六等田地八號
及為葺菴付餘僧奉寺香火

原註每格疏字
號上有在城六
保字茲並從省

疏字附至附五至三號塘分
五釐中地六畝七分六釐民朱愷四業
官振還興化廢寺基二畝今為
教諭字基

拍在城六保疏字五上號上
地三畝元城隍廟祝官給池
圖今西廢基

疏字四十八四十九五十三號下地
七畝一分拍疏字四十六四十七二
號沒官地一畝并疏字二十二號上
地八分共計八畝九分民李錫年業
官振還興化廢寺地六畝五分今
作大成殿舞庭戰門東解基

疏字五七五九空三號地畝三分三釐高田三畝四分四釐
拍附五五號下地五分五畝一分七釐監生今徐州判官
金鳳業義捨入學今作觀瀾亭及後堂基

疏字附五五五六附五十
八三號計高田四分中地四
畝七釐下地三畝四分七釐
八分七釐民朱禮業舍為
青雲樓基大明倫堂殿官
抵還興化廢寺地畝正

原註在城六保
從省一都七保
一格仍存

疏字四十四四二四六四七四號計地二畝二分
四厘四毫拍送官地一畝七分九厘俱在城民李宗源業
官抵還舊學基地三畝興化廢寺址畝全為廟宇基



在城民
李子祥
業官抵
還興化
廢寺一
畝


鄉賢祠

蓋學地三之二為居人園田一為滿心廢寺址時侍
御吳公華將學于此謂必宏敞深遠而後稱湖山之
勝以宮

素王以舍青衿將無不宐遂命基圍餘五百步游息之
所蔬藝之圃諸具焉然自肇工七月而斷手棟宇雖
就垣墉未周初寺尚餘病僧依數椽吳公印不忍斥
去仍菴於學東射圃外買田贍之三年僧且死有無
俚稱行童來嗣輒以田歸於人乃訟學官占其故所
剩地听听不已掌學事會君漢與其寮李君浦徐君

灌諸生我族父賓龔象黃瑚陳繼志以詢于鶴鳴鶴
鳴曰地緣郭咫尺爲利是其湯無遮限有以召之非
獨嚚童之爲或者實憑之况取人所甚愛惜地雖售
焉或不以直不有以彰之莫以勸樂從也苟署其凡
地主鱗比以圖于石是且有徵矣彼貪冒者又何以
云諸君以爲然卽以命予且爲之志以告縣大夫林
君文焯礮石刻之樹之明倫堂之東序

嘉靖五年十月廿四日李鶴鳴書篆



政癸未

